

有讀者不識字句爲強言是不諳明者貢高求名虛天雅步以爲榮貴望人供養諸魔比丘命終之後精神當墮無澤地獄五逆罪中餓鬼畜生靡不更歷遍恒沙劫罪竟乃出生在邊國無三寶處法欲滅時女人精勤恒作功德男子懈慢不用法語眼見沙門如視真土無有信心法輪彌沒當余之時諸天泣淚水旱不調五穀不熟災疫流行死亡者衆人民勤苦縣官侵剝不修道理皆思樂亂惡人轉多善者甚少日月轉促人命轉短四十頭白我壽六十男子壽短女人命長七八九十或至百歲大水忽起卒至無期世人不信故謂有常衆生雜類無有豪賤沒溺浮漂魚鼈噉食菩薩比丘衆魔驅逐不豫衆會菩薩入山福德之慶懷怕自守以爲忻快壽命延長詣天衛護月光出世得相遭值共興吾道五十二歲首楞嚴經股舟三昧先滅化去十二部經尋復化滅盡不復現不見文字沙門袈裟自然變白聖王去後吾法滅盡譬如油

燈臨欲滅時光更猛盛於是便滅吾法盡時亦如燈滅自此之後難可續紀如是久後弥勒當下世間作佛天下太平毒氣消除雨潤和適五穀滋茂樹木長大人長八丈皆壽八萬四千歲衆生得度不可稱計祐定以方等圓知三寶常住常佳之法理無興滅興滅之來乃世緣業耳是離西隱不害千光之恒明也

釋迦譜卷第五

癸卯歲高麗國爲太戴都監奉勅彫造

釋迦方志序

終南太一山釋氏

宋

惟夫大唐之有天下也將四十載淳風洽而流俗改文德修而武刃暢故使青丘丹穴之候並入堤封龍砂鴈塞之區聿遵聲教英靈稽首顯朝宗之羽儀輸賄奉贄表懷柔之盛德然則八荒內外前史具舒五竺方維由來寧述豈非時也雖復周穆西狩止畱昆丘舜禹南巡不踰滄海秦皇盡野近表臨滌漢武封壇開鐵路取斯以降遐討未詳所以崆峒問道蜀在酒泉之地崑崙謁聖實惟玉門之側至於弱水洞遶三危九隴煙然龍勒沙障黎河具曆夏書咸圖靡部及博望之尋河也創開大夏之名軒皇之遊夢也初述華胥之國貳師之伐大宛定遠之開鐵門由余入秦曰殫仕漢聲榮覆於慈嶺帝德亘於蒼山赫奔皇華其徒繁矣而方土所記人物所宜風俗之沿革山川之卓詭雖陳之油素略無可紀豈不以經途遠

遠遊詣之者希乎以事討論縱有傳說皆祖行人信非躬親相從奔競虛為實錄何以知其然耶故積石河源西瞻赤縣崐崙天柱東顧神州鳥砂以外咸稱胡國安用遠寄空傳細簡是知身毒之說重譯臻焉神異等傳斷可知矣自佛教道東榮光燭漢政流十代年將六百軫軒綏接倫盡觀方百有餘國咸歸風化莫不掃山貢輶望日來王而前後傳錄差乎不同事迹罕述稱謂多或覆尋斯致宗歸譯人昔隋代東都上林園翻經館沙門彥琮著西域傳一部十篇廣布風俗略於佛事得在洽聞失於信本余以為八相顯道三垂陶化四儀所設莫不逗機二嚴攸被皆宗慧解今聖迹靈相雖皆於華胥神光瑞影靈氣於宇內義須昌明形量動發心靈泉貞觀譯經嘗承位席傍出西記具如別詳但以紙墨易繁閱鏡難盡佛之遺緒釋門共歸故揅網猷略為一卷貽諸後學序之云云

釋迦方志一部八篇

封壇篇第一 經攝篇第二
中邊篇第三 遺跡篇第四
遊履篇第五 通局篇第六
時住篇第七 教相篇第八

仰尋諸佛之降靈也不可以形相求之隨機顯晦故得以言章述矣然學教者統舉為先傍窮枝葉終非遠致故於篇首標其致焉

釋迦方志卷上 封壇統攝中邊遺跡釋迦方志封壇篇第一

佛之所王土也号曰索訶世界即古翻經為娑婆矣經中所謂忍土者也謂此土人強識力念能忍苦樂堪任道器故佛王之案此封壇周輪鐵山山外是空空不可測山下是地地下是金金下是水水下是風其風堅實逾於金剛衆生心力同業所感能持世界不令傾墜自風以外即是虛空約此周輪從下而上至无色窮名為有頂論其畫界從廣而經平非里數之兩度也且如智度論從色界天下一大石經一万八千三百八十二年方始至地約此上下方維名為一佛

所王土也 即以大土鐵國而為封壇之域

釋迦方志統攝篇第二

案索訶世界鐵輪山內所攝國土則万億也何以知之如今所住即是一國國別一輪迷廬山即經所謂須弥山也在大海中據金輪表半出海上八万由旬日月迴轉於其腰也外有金山七重圍之中各海水具八功德其外鹹海廣於無際海外有山是鐵所成四周遠之海中可居者大略有四即約蘊迷山用分方面東洲名毗提訶南洲名瞻部西洲名瞿陀居北洲名拘廬也此之四洲亦名四有人之所居佛之所王准此傍及鐵圍海內准有四洲蘊迷山已上二十八天并一日月為一國土即此為量數至一千鐵圍都繞名小千世界即此小千數至一千鐵圍都繞名中千世界即此中千數至一千鐵圍都繞名為大千世界案此三千大千世界其中四洲山王日月乃至有頂則有万億之所皆為佛之統攝俱遵聲教

釋迦方志中邊篇第三

釋迦方志卷上 第五

惟夫法王所部則大千之內攝焉若
據成都則此洲常為所住故此一洲
則在慈迷山南之海中水陸所經
東西二十四万里南北二十八万里
又依論說三邊等量二千由旬南邊
三由旬半是則北闊而南狹人面象
之又依凡記人物所居則東西一十
一万六千里南北遠近略亦同之所
都定所則以佛所生國迦毗羅城應
是其中謂居四重鐵圍之內故經云
三千日月萬二千天地之中央也佛
之威神不生邊地地為傾斜故中天
竺國如來成道樹下有金剛座用承
佛焉據此為論約餘天下以定其中
若當此洲義約五事以明中也所謂
名里時水人為五矣
所言名者咸謂西域以為中國又亦
名為中天竺國此土名賢談邨之次
復指西宇而為中國若非中者凡聖
兩說不應名中昔宋朝東海何承天
者博物著名羣英之寡聞沙門慧嚴
曰佛國用何曆術而号中乎嚴云天
竺之國夏至之日方中无影所謂天

釋迦方志卷上 第六

地之中平也此國中原素主潤之故
有餘分致曆有三代大小二餘增損
積算時輒差候明非中也承天無以
挽言文帝聞之乃勅任孫受焉
夫以八難所標邊地非攝出凡入聖
必先中國故大夏親奉音形東華
晚開教迹理數然矣

二言里者夫此一洲大分三量二分
以北土曠人希獵牧所居無任道務
一分以南盡于三海人多精業堪受
聖化故約道勝大聖都焉故成光子
云中天竺國東至振且國五万八千
里振且即神州之
号也依人曰之南至金地國五万八
千里西至阿拘遮國五万八千里北
至小香山阿耨達池五万八千里觀
此通攝取其遐迩齊致以定厥中其
理易顯

三言時者謂雪山以南名為中國坦
然平正冬夏和調升太常榮流霜不
降自餘邊鄙安足語哉

四言水者此洲中心有一大池名阿
耨陀菴多唐言無熱惱也即經所
謂阿耨達池在香山南大雪山北居

釋迦方志卷上 第七

山頂上非凡所至池周八百里四岸
寶飾正南當於平地地獄所居故金
剛座東解至五千里又池正南當洲
尖處其北當慈羅川即北又當慈嶺
北千泉也上空定約當北辰星今望
第五似如西欽且天上一寸地下一
千千泉去京八千餘里焉

約天無一尺矣其池北去鉢露羅國
減千里東南屈露多國西南屈賓
國各千餘里然四海為壑水趣所極
故此一池分出四河各隨地勢而注一
海故慈嶺以東水注東海達觀以南
水注南海雪山以西水注西海大秦
以北水注北海故地高水本注是其
此居海濱邊名難奪又佛經宏大通
舉事周博見聖賢義非妄委於上所
列咸符地圖然此神州所著書史寓
言臆度浮濫極多時約佛經更廣其
類都皆蕪葳試為舉之水經云无熱
丘者即岷崙山 又扶南傳云阿
耨達山即岷崙山 又山海經云南
流沙濱赤水後黑水前有大山名岷
崙丘 又太鍾山西六百里有岷崙

山出五水 案穆天子傳云春山音鐘又云海內崑崙山在西北帝之下方八百高万仞 又十州記云崑崙陵即崑崙山也在北海交地去岸十三万里此約指佛經蘊迷山也

又東海中山名方丈亦名崑崙

又云西王母告周穆云去咸陽三十六万里高平地三万六千里

又周穆傳述西王母云去宗周渾澗

一万一千一百里 神異經崑崙山有

銅柱其高入天圓三千里案氏注云

柱洲崑崙山東南万二千里有無外

山 史記云崑崙山去嵩高五万里

高万一千里郭璞云高二千五百

餘里 淮南云高万一千一百里十

四步二尺六寸

道經造立天地記云崑崙山高四千

八百里轉形濟苦經云高万九千里

又云此山飛浮 又云崑崙山南三十

里次第有千崑崙山名小千世界

化胡經云崑崙山高九重相去各九

千里 又云高万万五千里

已前儒道兩說雖形量差異莫越崑

崑崙尋崑崙山則西涼酒泉之地穆

后見西王母之所具彼圖經若崑崙

遠山則香山雪山之中也河源出焉

故余雅云河出崑崙墟郭璞圖贊云

崑崙三層号曰天柱實惟河源水之

靈府案禹貢云導河自積石者但據

伏流所出處而名之若討本源誠有

由矣 故佛經云此元熱池東有銀牛

口出苑伽河即古所謂恒河也右繞池

匝流入東南海南有金鳥口出信度

河即古辛頭河也右繞池匝流入西

南海西有瑠璃馬口出縛菊河即古

博又河也如上繞池入西北海北有

頗那師子口出從多河即古私陀河

也如上繞池入東北海案河圖云崑

崙山東方五千里名曰神州亦名赤

縣又依書云河源東北流出葱嶺

岐沙谷分為兩水東北支流經于闐

南山於國西北出又東流大河經竭

盤陀城東南又經疎勒國西又東北

至城下又迴流國南五百餘里至焉

鑾國南又東北至疎勒國北六百一

十里至烏孫界赤谷城又東二百七

十里經姑墨國南又東六百七十里經龜茲國南又東三百五十里經烏壘國南此即漢時都護所治也西南去疎勒二千一百一十里東南去鄯善國千七百八十五里東北去烏耆國四百里河又東南三百四十里經渠梨國南又東二百四十里經黑山國南此東去玉門關二千六百六十里河又東經連城注賓城南且末國北合支水河又東經婁蘭地又東經鄯善國城南過東北數百里入蒲昌海其海東面少北去玉門一千三百里又東北去陽關三百里此河於蒲昌伏流南而少西數千里入積石山在羌燒堂中書云積石去崑崙丘千七百四十里或云伏流万三千里斯諸臆說難以究詳河出積石西南流九屈東北合流經折支地是為河曲又東北入塞過燉煌張掖南是為河源矣案此實錄以尋河源窮至無熱池所方為討極然此地神居非人所及又是北天雪山之域南接中土佛生之地以處高勝故非邊矣

釋迦方志卷上 第十二 第廿一

五謂人者不出凡聖凡人極位名曰輪王聖人極位名曰法王蓋此二王不生則已生必居中又山川國邑人之依報人勝則依勝故此二王居焉又輪王有四王約統四洲金輪王者則通四有銀輪三方除北一洲銅輪二方除西北方鐵輪在南除於三有言瞻部者中梵天音唐言譯為輪王居處言四輪王通局乃殊佳必南有也古翻此洲云好金地謂閭浮檀金在洲北岸海中金光浮出海上其傍有閭浮樹林其果極大得神通者方至於彼今言此洲輪王得名兩設其致耳又一此洲四主所統雪山已南至于南海名爲主也地惟暑濕偏宜爲佳故王以爲兵而安其國風俗躁烈爲學異術是爲印度國然印度之名或云賢豆或云天竺或云身毒天篤等皆傳之訛僻耳然以印度爲正唐元以翻雪山之西至于西海名寶主也地接西海偏饒異珍而輕礼重貨是爲胡國雪山以北至于北海地寒宜馬名馬主也其俗兇暴忍煞衣毛是愛

釋迦方志卷上 第十二 第廿二

厥國雪山以東至于東海名人主也地惟和暢俗行仁義安土重遷是至鄰國即古所謂振旦國也上列四主且據一洲分界而王以洲定中輪王爲正居中王邊古今不改此土諸儒滯於孔教以此爲中餘爲邊攝別指雒陽以爲中國乃約軒轅五岳以言未是通方之巨觀也又指西蕃列爲胡國然佛生遊履雪山以南名婆羅門國與胡隔絕書語不同故五天竺諸婆羅門書爲天書語爲天語謂初成梵天來下因味地肥便有人焉從本語書天法不斷故彼風俗事天者多以生有所因故也胡本西戎無聞道術書語國別傳譯方通神州書語所出无本且論書契可以事求狀義八卦文王重之蒼頡鳥迹其文不行漢時許慎方出說文字山九千以類而序今漸被世文言三万此則隨人隨代會意出生不比五天書語一定上以五義以定中邊可以銷諸餘如隋初魏郡沙門靈裕聖迹記述釋迦方志遺跡篇第四

釋迦方志卷上 第十三 第廿三

自漢至唐往印度者其道衆多未可言盡如後所紀且依大唐往年使者則有三道依道所經具觀遺跡即而序之其東道者從河州西北度大河上易天嶺減四百里至鄯州又西減百里至鄯城鎮古州地也又西南減百里至故承風成是隨平市地也又西減二百里至清海海中有小山海周七百餘里海西南至吐谷渾街帳又西南至國界名白蘭羌北界至積魚城西北至多弥國又西南至蘇毗國又西南至敢國又南少東至吐蕃國又西南至小羊同國又西南度咀舍去開吐蕃南界也又東少南度末上加三鼻開東南入谷經十三飛梯十九棧道又東南或西南緣葛攀騰野行四十餘日至北印度尼波羅國土此九千餘里其中道者從鄯州東行百餘里又北出六百餘里至涼州東去京師二千里從涼西而少北四百七十里至甘州又西四百里至肅州又西少北七千五里至故玉門關開在南天山間又西減四百里至瓜州又西南

入磧三百餘里至沙州又西南入磧七百餘里至納縛波故國即婁蘭地亦名鄯善又西南千餘里至折摩陀那故國即咀末地又西六百餘里至都羅故國皆荒城耳又西入大流沙行四百餘里至瞿薩咀那國東境即漢東去長安九千六百七十里其間名居壞城彼土自謂于遁國也周四千餘里沙磧大半寺有百餘僧出五千大乘學者從開至娑摩川二百餘里有娑摩城中有拏檀立像高二丈餘極多靈異光明疾者隨痛以金薄貼像上便愈其像本在儒賞彌國是鄒陀行鄰王所造凌室至此國北曷勞落迦城有異羅漢每往禮之王初不信以沙土塗羅漢乃告訖信者日却後七日沙土滿城於後二日乃雨實滿街至七日夜果雨土填城略无遺人其先告者預作地穴從孔而出泉趣娑摩像亦同至有記云法滅之時像入龍宮也其曷勞城今為大堤王欲掘實必遭風變又於娑摩城西行三百三十里方至國城王都南十里有

大寺先王所立西南十餘里寺有夾紵立像從屈支國來昔此有目於彼札訖目還本國遙念無已像遂夜至乃捨宅為寺都城西三百餘里勃伽夷城有坐像高七尺相好无比首有寶冠光明時現都城西百六十里路中大磧惟有鼠壤形大如猬毛金銀色昔匈奴來殺王析鼠靈乃夜起幽人馬兵器斷壞自然走退都城西五里許寺有浮圖高百餘尺多現光相王感舍利數百粒羅漢以右手舉浮圖安之函內乃下之無顛動也都城西南十餘里有瞿室伽山此方有牛窟有寺像現光明佛曾遊此為天人說法記其建國崇學大乘山巖石室有一羅漢入滅心定待慈氏佛數百年前崖崩塞其國南界接東女國從國城西越山各行八百餘里至

又北城三百里方至都城周十餘里山阜連屬臨帶兩河又於國西北上大沙嶺度徙多河五百餘里至佉沙國即時周也周五千餘里寺數百僧數万習小乘有部地多石磧其俗生子押頭匾匿從此南行山野石磧五百餘里至烏鎚國周千餘里都城周十餘里南臨徙多河信佛法寺十餘僧減千人習小乘學城西二百餘里至大山嶺上有塔數百年前山崖自崩中有比丘真目而坐形甚偉大驢駿下垂覆于肩面國王以酥油灌之擊捷提比丘高視曰我師迦葉波也今始乃聞已涅槃耶又問釋迦佛出世耶告云已滅度矣即昇空化火焚身其土出白璧青玉等從國城西度河登慈嶺東望八百餘里至福舍其地在四山之中方百餘頃無樹木有細草綠如別說又西南踰大嶺至

釋迦方志卷上 第十八

室二口各一羅漢入滅心定經七百餘歲其驕駭生年別為剌又西北行三百餘里方至王都東南臨徒多河山嶺連屬又西少南登山冰雪五百餘里至波謠羅川東西千餘里南北百餘里或狹無十里極南北大雪山間地鹹鹵多石草木希少絕无人住川南越山有鉢露羅國此川在大慈嶺上賸部一洲地最高也中有大龍池東西三百餘里南北五十餘里大卯出焉其水西流至達摩慈帝國東界與縛葛河合故此已西水並西流東出一流東北至佉沙國西界與徒多河合自此諸水皆東流也龍池正南當無熱池北當千泉川南當池大嶺名婆羅摩羅南北三四百里山地極高池北即大慈嶺也水經云高可千餘里兩邊漸下南北堅嶺行數極多百餘條矣多有山慈崖險慈翠因以名焉嶺南接大雪山北至千泉應有二千五百許里東極烏鉢西達活國應三千餘里又從川西南入山險七百餘里至

釋迦方志卷上 第十八

商弥國周二千六百里土出雌黃國人信佛寺有二所僧亦少耳北越達摩慈帝大石山至

尸棄居國周二千餘里山嶺連野又南越山河至

達摩鐵慈帝國一名鐵佛國即觀貨羅

之故地也在兩山間東西一千五百里

南北減百里或狹不踰里東臨縛葛河寺有十餘僧數蓋少城寺石像上

懸金銅圓蓋宋寶飾之人有旋繞蓋亦隨轉人止便止四周石壁莫測其然有

說聖力使之或謂機關之秘又西南登山入谷五百餘里至

屈浪摩國亦故地也周二千餘里少

有信向又西北踰嶺三百餘里至

遙薄健國亦故地也周千餘里都城

十餘里又西北山谷行二百餘里至

鉢鐸創那國亦故地也周二千餘里

都城山崖上周六七里寺有四所僧

亦少耳山谷西行二百餘里至

四摩咀羅國亦故地也周三千餘里

山川相半堅城數十西越山谷三百

餘里至

釋迦方志卷上 第十九

訖栗瑟摩國亦故地也東西十餘里南北三百里都城周十五里北至

鉢利易國亦是故地廣百餘里南北

三百餘里都城二十餘里又從訖栗國

西越峻入洞經川城三百餘里至

普健國亦是故地周四百餘里都城

周十六里北度河至 阿利居國亦

故地也周三百餘里帶縛葛河兩岸

大城周十五里東渡河至 過羅胡

國亦故地也北臨前河周二百餘里

大城周十五里又從普健國西行百

餘里出慈嶺西頭也尋山而下至於

活國亦是故地周二千餘里王城周

二十餘里其王突厥也鐵門已南諸

小國多屬突厥地安平俗多信佛寺

十餘僧數百大小兼學西至

縛葛國四五百里東南越山谷諸城

三百餘里至 聞悉多國亦是故地國

周減千都城十餘里山多川狹極風

寒僧寺三所衆亦少耳東南入谷越

嶺度諸小城四百餘里至安咀羅縛

國亦是故地周三千餘里王城周十

五里屬突厥寺有三所僧有數十有

育王一塔山阜連屬極寒厲也從此西南上大雪山婆羅摩羅東頭經三日行又至極頂通望瞻部一洲諸山並皆四下又尋嶺下行亦三日極峻曲谷鑿冰而度西經迴畢式國邊城小邑數十又西南數百里方至王都又西少南一千三百里越山川至弗栗恃薩儻鄰國廣二千餘里南北千餘里王城周二十餘里信佛法從此南行五百餘里至漕矩吒國亦曰周七千餘里王城周三十餘里山川相半寺有百數僧徒數萬皆學大乘育王塔十所天祠數十計多外道也土宜鬱金香草出興瞿草生羅摩印度川南境貓部囉囉山王城東南二千餘里至西印度伐刺犍國方合北道南趣佛國其北道入印度者從京師西北行三千三百餘里至瓜州又西北三百餘里至莫賀延磧口又西北八百餘里出磧至柔遠縣又西南百六十里至伊州又西七百餘里至蒲昌縣又西百餘里至西洲即高昌故地漢時宣示

都尉所治處也後沮渠涼王避地於彼今為塞內又西七百餘里至阿耨且國亦曰東西六百餘里南北四百餘里都城周六七里僧寺十餘二千餘人並學小乘說一切有戒行精勤食三淨肉從此黑嶺胡類羣分重財輕義無札無紿婦尊夫早良賤一等吉素西阜以為服制又西南行二百餘里踰一小山越二大川行七百里至屈支國亦曰東西千餘里南北六百餘里城周十七八里寺有百餘僧五千餘並學小乘說一切有如上三淨俗大信佛王城民宅多樹像塔不可勝記東境大城中有天祠池龍時出與北馬合而生龍駒初生龍懷子方馴駕故國多善馬近王名金花者感龍馭乘王欲終時鞭觸其耳因即潛隱與人婦通生子驍勇王撫突厥然此城人故令空荒城北四十餘里東昭怛釐寺佛堂中有玉石方尺上有佛足迹長尺八寸廣六寸齋日放光王城西門外路左右有立佛各高九十餘尺於此建場五年一

會西有阿奢理貳寺唐言奇特也昔王外遊觀札聖迹母弟留守因自割勢為防讒構王深異之弟後遇人捷五百牛遂懲贖之慈善根力男形欬生遂不入宮王訝奇特故因置寺又西經小磧六百餘里至跋祿迦國古名東西六百餘里南北三百餘里王城周五十里寺數十僧千餘人並小乘學西北行三百餘里度石磧至凌山即慈嶺北原也水多東流此路不得緒衣持鉢及聲聞有犯者龍能飛風雨沙遇必皆沒山行自西四百餘里至大清池亦名周千餘里東西長四面有山人祈福又西北五百餘里至素葉水城周六七里商胡雜居已西數十孤城亦亦又西四百餘里至千泉泉涌多出方二百餘里南面雪山三垂平陸又西百五十里至咀邏私城又西南二百餘里至恭訖城又南五十里至敦奴赤建國周千餘里又西二百餘里至猪時國亦名周千餘里西臨葉河又東南千餘里至憐數擇國周四

釋迦方志卷上 第三十三張
千餘里山周四境又西行千餘里至

寧額利瑟那國周千四百里東臨紫

河葉河出慈嶺北西北流又西北入大

磧應五百餘里至颯末建國唐古周

千六百餘里南北狹都城周二十餘

里處極險固自此東南至朔末賀

國唐古周繞四五百里東西狹又西北

至劫布坦那國唐古周千四百五十里

東西長又西三百餘里至屈霜你迦

國何國周同曹國而東西狹又西二

百餘里至喝捍國東安周千餘里又

西四百餘里至

捕捍國中安周千七百餘里東西長

又西四百餘里至伐地國西安周四百餘

里又西南行行五百餘里至北貝利習

弥國順縛葛河兩岸東西可三十里

南北五百餘里又從迴林建國西南

行三百餘里至

鵝霜那國大周可千五百里又西南

二百餘里入大山山路絕險又少人物

東南山行三百餘里至鐵門關左右

石壁其色如鐵鐵固門扉懸鈴尚在

即漢塞之西門也出鐵門關便至

釋迦方志卷上 第三十四張
觀貨選國古之故地也南北千餘

東西三千餘里東接慈嶺西接波斯南

大雪山北接鐵門縛葛大河中境西

流其中自分二十七國僧以十二月

十六日安居由溫熱多雨故也順河

北下至咀蜜國東西六百餘里南北四

百餘里城周二十餘里寺十數僧出千

人大有寧觀波即古塔之別佛像靈

異又東至赤鄂衍那國東西四百南

北五百餘里城周十餘里寺五僧少又

東至忿露摩國東西百餘里南北三百

餘里城周十六里寺有二所僧百餘

耳東至愉俱陽國廣四百餘里從百餘

里至城周十餘里寺二所僧亦不多

西南臨縛葛河便至鞠和衍那國廣

二百餘里從三百餘里城十餘里寺三所

僧百餘又東至鐵沙國廣三百餘里從

五百餘里城周十六里又東至

珂咄羅國廣從千餘里至城周二十

餘里東接慈嶺至拘謹陀國廣二千

餘里從二百餘里據大慈嶺之中王

城周二十餘里西南臨縛葛河國南

接尸棄尼國南度此河至達摩悉帝

釋迦方志卷上 第三十五張
等國如前中道所引也又從鐵門南而

少東五百餘里至縛葛河一國縛葛河如浪

國廣五十餘里從二百餘里都城十

餘里又南至訖露悉泥健國周千餘

里都城周十五里許又西北至忽憐國

周八百餘里都城周十五里餘寺十餘

僧五百又西至縛葛國廣八百餘里從

四百餘里北臨縛葛河王城周二十餘

里俗美其國詔為小王舍城寺有百

餘僧二千餘人並小乘學城外西南

有納縛此云寺在雪山北作論諸師

贊重此寺基業不替像蓋名珍毗沙

門像衛之突厥葉護欲襲寺取寶老

軍寺側夜夢天王長戟貫脅可汗心

痛因令便死堂中有佛澡灌受可并

餘雜色炫耀金石難名又有佛牙長

寸餘廣八九分色黃白而光淨佛掃

帚者用迦奢草長二尺餘圍可七寸

雜寶飾柄三物齋日法俗所感放大

光明有大浮圖高二百餘尺金剛泥

塗以實莊之有佛舍利時放神光又

諸羅漢入涅槃者示通立塔雖有證果

不現通者則不封樹王城西北五十

餘里有提謂城王城正北四十餘里有波利城各有浮圖高三丈許即釋迦開亢獻越長者駭爪之所建也佛以僧伽脰臂多羅僧僧却崎又覆蓋堅錫杖次第安布立塔儀式令依崇建王城西七十里迦葉波佛時所建浮圖高二丈餘又從大城西南入雪山河三十餘里至統末施國廣五六百里從百餘里王城周十餘里又西南行三百里至胡寔建國廣五百餘從十餘里王城周二十餘里多山川又西北至咀刺健國廣同前從五十餘里王城十餘里西接波斯國界又縛喝國東至忽憐國於此東南至統露志泐健國千餘里於此北近縛伽浪國東西五十餘里此國東北接活國又從縛喝國南百餘里至揭職國廣五百餘從三百餘都城周五里許寺十餘僧三百餘人並小乘學陵阜相連東南入大雪山六百餘里出觀貨羅故地又至梵行都國廣二千餘從三百餘里在雪山中城依巖險寺有數十僧數千人學小乘出世部王城東北山阿

有大石佛高一百五十尺金寶莊嚴又東寺左有鑰石釋迦立像高百餘尺分身別鑄合成立之城東三里寺有涅槃卧素佛長千餘尺亦金寶莊嚴之東南二百餘里度大雪山東寺有佛齒及初獨覺齒長五寸餘廣減四寸又有金輪王齒長三寸廣二寸又有商諾迦縛沙即商那和修大阿羅漢鐵鉢傳法第一師受九升許并九條僧伽脰絳赤色設諸草皮之所績成以其先世於解夏日持此草施僧福力所被五百中陰身生恒眼之從胎俱出逐身而長阿難度時變為法服受具已後又變為九條其齒鋒等並金縑之羅漢證滅入邊際定智願力故留袈裟待遺法盡方乃變壞今已少損信有徵矣大雪山東至小川澤東入雪山踰黑嶺至迦畢試國周四千餘里北背雪山三垂黑嶺都城周十餘里寺有百餘僧六千餘人多學大乘其王信佛歲造丈八銀像自修供之天祠數十具道千餘人王城東三里北山下有大寺佛院東門南大神王像右足下有大寶藏

近有外王逐僧欲掘神冠中鸚鵡鳥像奮羽鳴呼地動王軍皆仆起謝而歸寺北嶺上有數石室亦多歲寶欲私開者藥又變為師子蛇虫來震怒之室西三里大嶺上有觀自在像誠願者像示妙身安言行者城東南三十餘里曷邏怛羅寺大目所造以名目之浮圖高百餘尺昔目夜夢令造浮圖從王請舍利也及且至宮有人持舍利瓶目留舍利令人先入乃持瓶登塔覆鉢自開安舍利訖王使退之石已合矣齋日放光流出黑油夜聞音樂城西北二百餘里大雪山頂有龍池山下為龍立寺塔中有佛骨肉舍利外餘有時煙起或如火猛焰漸滅之時方見舍利狀如明珠繞柱入雲還下塔中城西北大河南岸古王寺中有佛弱齡齒長一寸餘又此東南往古王寺有佛頂骨一片廣寸餘色黃白駸孔分明佛駸青色螺旋右縈引長尺餘卷可寸許又西南古王妃寺金銅浮圖高百餘尺佛舍利外餘每十五日夜放光繞

盤曉入塔中

釋迦方志卷上 第三十九卷 辰

城西南比羅婆絡山上馬頂盤石上起

塔高百餘尺舍利外餘山北巖泉是

佛受山神飯已漱口嚼楊枝因生令

為茂林寺号楊枝也又從龍池東行

六百餘里越雪山度黑嶺至北印度

界已前諸邑並名胡國至此方合中

間道也其地名曰

濫波國北印度

入天竺其五印度之境周匝九萬餘里

三垂大海北背雪山北廣南狹如半

月也七十餘國同一王命

濫波國者在无熱池西倚北胡活國東南三垂

黑嶺北約雪山都城周十餘里寺

十餘僧數亦少多學大乘天祠數十

異道持多東南百餘里踰大嶺大河

至鄰伽羅曷國

屬北印度古名廣

二百餘里山周四境都城周二十餘

里寺多僧少天祠五所異道百人

城東二里有石塔高三百尺編石突

起雕鏤非常此即昔時值然燈佛敷

鹿皮衣踐布掩泥之地也經劫猶存

無憂王重法建此石塔以誌之每於齋

日天輒雨花人衆集觀西有佛寺次

釋迦方志卷上 第三十九卷 辰

南小塔是掩泥處王避大路遂僻建立

城內大塔故基舊有佛齒別塔高三

丈餘云從空來既非人工寔多靈異

城西南十餘里有塔是佛自中印度

陵空來降迹處次東有塔是昔值

燃燈佛買花處

城東南二十餘里

小石嶺上塔高二百餘尺西南深澗

瀑布飛流懸崖東岸石壁大洞穴是

龍王所居門徑狹闇昔佛於此化龍留

影煥若真形至誠請者乃暫明現窻

外方石有佛足跡輪相發光窻西北

隅塔者佛經行處又側跋爪塔又說

蘊界塔窻西大盤石上有濯袈裟文

城東南三十餘里有醴羅城四周險

固中有重閣上安佛頂骨周尺二十

其色黃白駢孔分明欲知善惡香泥

印之隨心而現有佛髑髏狀如荷葉

色同頂骨有佛眼睛大如奈許清白

耿徹並七寶小塔窻前三迹又以寶

函盛而織封有佛大衣細疊黃色置

寶函中微有壞相中有佛錫杖白鐵

作環拊檀為竿寶筒盛之近王恃力

將入宮中尋復故處斯五聖迹王令五

釋迦方志卷上 第三十九卷 辰

淨行者執侍掌護有須見者稅一金

錢請仰稅五科寶乃重觀礼弥繁閣

西北塔小而多靈人以手觸其上鈴震

動自此東南山谷中行五百餘里至

健陀邏國

北印

廣千餘里長八百里東

臨信渡河都城周四十餘里少空荒寺

有十餘天祠百所異道雜居

城內東

北故基是佛鉢寶臺經數百年今

在波斯王宮供養城東南八九里卑

鉢羅樹高百餘尺枝葉蒙密昔四佛

座下見有坐像傳云賢劫諸佛皆坐

其下昔釋迦如來於此坐已告阿難

曰後迦膩色迦王集吾骨肉在此王後

在南建塔基周一里半金銅相輪二十

五重或云四十層者舉高三百五十

尺有舍利一斛初有化牧牛人林間

造三尺小塔玉擲棄之乃於大塔第

二級下石基之側半現小塔疾者歸

愈其大塔東面石壁上昔有金色

鐵大如指如麦相從齒石壁文如鏤

廟以金砂作二加跌佛像高四五六尺

又於南面石壁畫佛丈六之形昔有

二貧人各施一金錢共畫一像請現

神變像即現曾以上分為兩身下合為一次南百餘步白石佛像高一丈六尺面北放光夜出繞塔賊欲盜物像出迎之賊退像還大塔左右小塔數百在工極巧香音兩異仙聖旋繞佛記此大塔七境七立佛法方滅已燒至三今現營構西有故寺並前王所立諸大論師世親菩薩如意論師勝尊者等造毗婆沙處寺東北五十餘里渡大河至布羯邏伐底城周十四五里東有四佛說法塔無憂王建之高數百尺眼鑲希世城北五里故寺東塔高數百尺即菩薩捨千眼處東有石塔高百餘尺梵釋初作妙瑤瑩飾佛滅寶變金為石也又西北行五十餘里塔者是佛化鬼子母處又北五十餘里塔者是商莫迦菩薩被王射處又東南約二百里跋摩沙城北東二十餘里彈多洛迦特也山嶺上塔是薩達寧_{大善}捷隱之所婆羅門捶男女露流血塗地今諸草木皆同絳色巖間石室妃習定處又西北行百餘里越小山至大山上南

有一寺塔僧學大乘皆獨角大仙為女亂處沙城東北五十里大山有大天祠祠東南行百五十里至為鐸迦漢茶城周二十餘里南臨信渡河從此城北越山行六百里至烏仗那國_{北印度之正國}山谷相連周五千里昔日輪王苑也土宜鬱金香夾蘇婆宰堵河王城周十四五里寺有一千四百僧有一萬八千並大乘學今多荒少其習大乘統文略義律儀傳訓有五部焉一法密部二化地部三飲光部四說一切有部五大眾部天祠十餘異道雜居王都皆揭瑩城其東五里大塔多瑞是佛昔作忍仙為羯利_{此王}支解之處城東北二百六十里入大山至阿波邏龍泉即前河源也冰涼西南春夏合凍晨夕飛雪佛昔化暴龍金剛以杵擊崖龍怖歸依請佛放雨乃許之令人取糗十二年一雨水災又泉西南三十餘里水北岸大石上佛伏龍已留迹示之隨心長短頃派三十餘里有佛濯衣石袈裟文如錢城南四百

餘里臨羅山谷尋水逆流東上花果綠崖或聞誼話音樂聲方石相接是佛昔聞半偈捨身處城南二百餘里大山側有摩訶伐那寺_{此寺}佛昔為薩縛達羅王_{即一切}失國避地為貧人故令縛送處寺西北下山四十餘里有寺塔高百餘尺側方石上佛足迹相放光照寺為天說本生處塔下有石黃白津脈是佛昔為闍法折骨寫經處又西七十里塔是佛昔為尸毗迦王_{此王}割身代鴿處又西二百餘里珊尼羅闍川薩哀然地_{此地}寺塔高八十尺佛昔為帝釋身作大麟偃死以施貧痾瘵處側有慈摩塔是佛變為慈摩地敗者病愈事小北崖塔病求多愈又側有涌泉佛昔為孔雀王紫喙而出用救疾處城西南七十里大河東塔高六十尺是嚧咀羅摩那_王王所造佛令以舍利與王分在河濱立塔王以白為負歸為變為石城西五十餘里渡大河有盧醯咀迦塔_{此塔}高五十餘尺佛昔為慈力王刺血飲五藥又處

城東北三十里過部多釋云五部石塔高四十

尺佛為人天說法塔從地出現即存

焉又西渡大河四十里寺精舍有阿

縛盧枳拉即觀音伊濕伐羅在也菩薩像

龍池同三十餘里王城東北踰山谷

逆上信渡河途路極險乘繩拽梁鐔

杖躡陞千有餘里至達羅羅川烏仗

那舊所都也大寺中有刻木梅四殿

耶古云孫那菩薩像金色晃朗高百餘

尺末田底迦即地阿羅漢所造以通力

引匠外觀史多即地天三返觀相乃成

其好自有此像法方東流也東行越

嶺逆信渡河履險飛梁五百餘里渡

河又東渡縛莖河登危至

鉢露羅國周四千里大雪山中東西

長寺數百僧數千學師戒行多焉其

國非印度所統多冰雪其土出金如火

色北對婆羅羅大嶺還從健馱邏

國烏鐸迦城南渡信渡河廣四里許

西南流清澄如鏡毒龍惡符窟穴其

中有持舍利寶花者船多沉沒渡河

至呬又始羅國北印周二千餘里都城

釋迦方志卷上 第三十五

釋迦方志卷上 第三十五

釋迦方志卷上 第三十五

周十餘里寺多僧少並大乘學

城西北七十餘里有伊羅鉢龍池周

百餘步池東南三十里兩山間塔高

百餘尺佛昔記慈氏興世四大藏者

此地出一故有振動斯周百步曾無

一搖有欲發者地振人仆城北十二

里塔於齋日常放神光仙花天樂近

有廟者於塔禮懺除穢塗香不久便

愈身又香潔昔佛為戰達羅鉢刺

婆王七日以頭施處凡經千施即塔名

月光也城東南山塔高十丈許決

目王所治育王所造又東南越山谷

七百餘里至

僧伽補羅國北印周三千五百里西

臨信渡河大城周十四五里城東五

十里有石塔高二十餘丈佛所遊處

池沿十餘四色蓮花弥覆其內

從此南返至呬又始羅國北界渡信

渡河東行二百餘里度大石門是摩

訶薩埵王子捨身卧虎處東有寺僧

百餘又南百五十里石塔者薩埵以

竹自刺血啗獸處地及草木今猶絳

色次北石塔高二十餘丈放光開信

病歸多愈又東五十餘里孤山有寺

塔高二百餘尺僧徒二百人並大乘

學佛昔化藥又不食肉處又東南山

行五百餘里至

烏剌尸國北印周二千餘里山阜相屬

都城周十八里不信佛法屬迦濕弥

羅有佛塔高二十餘丈育王所造有

寺僧少學大乘教又東南登山鐵橋

千餘里至

迦濕弥羅國北印周七千里四面負

山雖有門徑狹而多通城西臨大河長

十三里廣四里許寺百餘僧五千餘

人土出龍種馬鬱金火珠有四浮昌

各有舍利一斗餘佛滅後第四百年

脇尊者年八十方出家證無學將五

百羅漢來此造十萬頌鄒波弟鐸釋

素咀纒藏即婆娑論也次造十萬頌

毗奈耶毗婆沙論次造十萬頌阿毗

達摩論凡六百六十万言脩釋三藏

新城東南十餘里故城北大山陽

寺塔僧徒三百人佛牙長一半色黃

白齋日便放光又南十五里有觀自

在菩薩立像有願見者斷食便觀

王城西北二百餘里至商林寺

釋迦方志卷上 第三十八條

城西北五十里大河北接山有寺僧

百餘人從此西南越山行七百里餘

至半敦驍國北印變周二千餘里寺

有五所多山川東南行四百餘里至

過邏閣補羅國非正北印變周四千餘

里都城周千餘里寺十所僧甚少天

祠一外道甚多自濫波達此形體鄙

薄非印度之正境也至此下山東南

行並是大川達遠無畔惟以河國而

分界部雖有小山並是孤住自此以

北通連雪山東達神州涼部以南諸

雪山也案此山亦即賸部之巨鎮地

者於此城東南下平渡水行七百餘

里至

磔迦國北印周萬餘里東據毗播奢

河西臨信渡河都城周二十餘里俗

少信佛多事天神寺有十餘天祠數

百城西南十五里奢羯羅故城寺塔

高二十餘丈昔四佛說法經行處又

西北六里許塔高二十餘丈亦四佛

說法處 新都城東北十餘里石塔

高二十餘丈多有舍利齋日放光東

行五百餘里至

釋迦方志卷上 第三十九條

鄒儼底國北印周二千餘里都城周十

四五里寺十天祠八城東南五百餘

里至閣林寺周二十餘里佛舍利塔

數百千區并石室等僧有三百人學小

乘說有部也德行清高小學之博賢

劫千佛並此說法釋迦滅後第三百

年迦多衍那迦耨於此造發智論寺塔

高二十餘丈有四佛行坐迹處從此

東行百五十里至閣爛達那國北印

東西千餘南北六百里都城周十餘

里寺有五十僧二千餘人大小專門

天祠三所外道五百人東北越山七

百餘里至

屈露多羅國北印山周四境都城周

十四五里寺二十餘僧千餘人多大

乘學天祠十五異道雜居出火珠兩

石俗癯且戇城內有塔記佛曾遊於

此說法自斯北行近二千里山路危

險至洛護羅國北印又北山行二千餘

里雪寒更甚達秣邏婆國北印又北

又從屈露羅南行七百餘里越山濟

河至

設多國北印周二千餘里西臨

釋迦方志卷上 第四十條

大河都城十七八里佛法大盛城內外

寺十所僧亦少耳城東三里塔高二

十餘丈育王所造傍有四佛行坐迹

自此西南行八百餘里至

波狸夜咀羅國北印周三千三百里都城

周十五里寺有八所僧亦少耳俗信

外道天祠十所異道千餘土有稻種

六十日取東行五百餘里至

秣菟羅國北印周五千餘里都

城二十餘里寺二十餘僧二千餘人

大小兼學天祠五所異道雜居土植

菴沒羅果小者生青熟黃大者始終

青色城中三塔四佛遺迹甚多及舍

利子沒特伽羅子謂目乳滿慈子謂目乳

優婆塞阿難陀羅尼羅目乳毘殊室

利等諸塔每三長月六時諸僧集

阿毗達磨衆供養舍利弗塔習定衆

供目犍連塔誦經衆供滿慈塔毗奈

耶衆供優波釐塔尼衆供阿難塔末

具衆供羅怛羅塔大乘衆供諸菩薩

塔尋斯諸塔不必遺身但立像設供

用是心造如羅怛文殊未取滅度則

釋迦方志卷上 第四十 新

可知矣城東六里有山崖寺是尊者
鳥波迦多^{譯也}之所造也有佛指爪塔
寺北石巖室高二丈廣三丈細葉四
寸填之近護導夫妻俱證羅漢者送
一籌并此不在室記又室東南二十
餘里大涸池側有塔佛曾遊此有猢
猻持蜜施佛佛令水和遍衆同飲猢
猻墮坑而死便生人中池北林中四
佛經行處大有遺跡又東北五百餘
里至
薩陀泥濕伐羅國^{中印}周七千餘里
都城周二十餘里寺有三所僧七百
人皆小乘者天祠百餘異道甚多城
西北四里塔高二十餘丈舍利一升
時放大光城南百餘里至佛寺又
東北四百餘里至
率祿勒那國^{中印}周六千餘里少荒
東境臨苑伽河^{即古}北接大山城東南
閭牟挪河從國西北山中出中境而
流都城周二十餘里東臨閭牟河寺
有五所僧千餘人多小乘學天祠百
餘異道甚多河西大寺東門外塔佛
曾於此說法度人其側有佛膝爪塔

釋迦方志卷上 第四十一 新

閭牟河東八百餘里至苑伽源廣三
四里東南入海廣十餘里水色滄浪
味甘沙細隨水而流俗謂福水有沐浴
罪或有輕命自沉云生天受樂有僧
伽羅國提婆菩薩化外道受正法處
渡河東至

祇底補羅國^{中印}周六千餘里都城周
二十餘里不信佛而敬天寺有十餘
僧八百人多小乘者天祠五十餘異道
雜住國西北境苑伽東岸摩裕羅城
周二十餘里出鑰石水精城側臨大河
有大天祠多有威靈有池編石為岸
引河為浦五印度以為苑伽河門生
福滅罪處常有百千人漂濯從摩
裕北行三百里至

婆羅吸摩補羅國^{北印}周四千餘里

山周四境都城周二十餘里寺五僧
少天祠有十異道雜住國北大雪山
有蕪伐刺峯羅國^{言金}出上黃
金東西地長即東女國非印度攝又
即名大羊同國東接土蕃西接三
波訶北接于闐其國世以女為王夫
亦為王不知國政男夫征伐種田而

釋迦方志卷上 第四十二 新

已又從祇底補羅國東南行四百餘
里至

瞿毗霜那國^{中印}周二千餘里都城十
四五里寺二所僧百餘人而習小乘天
祠三十餘異道雜住城固險峻其側
古寺塔高二十餘丈佛曾於此一月
說法有髮爪二塔各高丈餘旁有四
佛坐迹又東南行四百餘里至聖臨
制于咀邏國^{中印}周三千餘里都城周十
七八里寺十餘所僧有千餘習小乘
正量部天祠有九外道三百餘人
城依險固其外池側佛為龍說法七
日廢立塔側有四佛行坐迹立塔表
之又南二百七十里渡苑伽河西南至
毗羅刪拏國^{中印}周二千餘里都城周
十餘里信外道少敬佛法寺二所僧
徒三百人皆大乘學天祠五所城中
寺塔高十餘丈佛曾於此七日說蓋
界法四佛行坐遺迹尚存於此東行
二百餘里至
劫比他國^{中印}周二千餘里都城
周二十餘里寺有四所僧千餘人天
祠十所同事大自在天皆作天像其狀

人根形甚長偉俗人不以為惡謂諸衆生從天根生也城東二十餘里大寺中僧數百人淨人數万頭皆宅寺側大垣內有天帝造三寶階中階黃金左以水精右用白銀南北而列東面下地是佛供逝多林即林井天善法堂為母三月說法下降慶百年前階尚在今並沒盡後王做之猶高七十餘尺上起精舍側有石柱光潤映現隨其罪福影出柱中育王所造階側淨盂四佛行坐迹也佛澡浴處立塔其所有佛入室精舍又其側佛經行石基長五十步高七尺足所履處皆蓮花文基左右小塔梵王所造次前是蓮花居化為輪王先見佛處佛告居曰非汝先也有藕部底提也寔坐石室知諸法空見吾法身次東南池有龍居焉恒護聖迹不可輕犯從此西北減二百里至

羯耆鞠闍國中印度曲大城也周四千餘里都

城西近疏伽河長二十餘里廣四五里

邪正相半寺百餘僧徒盈万大小兼

學天祠二百餘所異道數千人即統

五印度之都王也号尸羅逸多也音吠奢姓初欲登位疏伽岸有觀自在像乃請之告曰汝奉此林蘭若比丘金月王既滅佛法王當重興慈物在懷方王五境慎勿昇師子座及稱大王号也王乃共童子王平弥外道月王徒衆又約嚴令有取肉者當截舌熟生當斬手乃與寡妹共知國事於疏伽側建千浮圖各高百餘尺城邑鄉聚達巷交衢立精舍儲食止醫藥惠蠲貧聖迹之所皆為立寺二十年來五年一會傾及府藏極濟羣有惟留兵器用備不虞初作會日集諸國僧三七日中四事供養令相論議若戒行貞固道德優洽者升師子座三便受戒清淨无學示有崇仰微行彰露者驅出國界諸有王目植福元急者携手同生異此不顧王巡省方俗不常其居行必四兵導引嚴設汎舟乘為擊鼓吹螺為軍八万以威四遠推兩三月不外遊行宮中每日飯諸沙門僧有千人婆羅門五百日分三時一時理務雨時營福又絕血食

日例一頓於河西寺東起寶臺高百餘尺中有等身金像次南起寶壇浴佛像處於此東北十五里許別築行宮從寺至宮夾道為閭窮諸彫飾樂伎不移遍奏而已又以三尺隱起金像載以大為寶轎其上王為帝釋像執寶蓋左侍有迦摩縷波國拘摩羅王古音作梵王像執拂右侍各五百為軍被鎧同衛前後各百大為樂人於上鼓奏音聲戒日王又以真珠雜寶金銀諸花隨出四散供養三寶其五印度且寺稀少縱有居者與僧同門食亦同處无樹或約然童子王刹帝利姓語使人李義表曰上世相承四千年先人神聖從漢地飛來王於此土城西北塔育王所造昔佛於此七日說法其側有駭爪塔四佛行坐迹又南臨疏伽河三寺同垣異門佛像嚴麗佛牙長寸半光色變改寶函盛之遠近瞻者日有百千守者煩擾重稅金寶而樂礼者不辭重貨齎日便出置高座上散花雖積牙函不沒寺僧清淨淨人數千戶寺前左右精舍高

釋迦方志卷上 第四七張

百餘尺石基乾室中像寶莊或純金銀次東南大精舍石基乾室高二十餘丈是佛六月說身无常苦空不淨處又有四佛行坐迹在城東南六七里苑伽南岸上城東南百餘里有納縛提婆城據苑伽河東岸三寺同垣異門周二十餘里 次前二百餘步塔高二十餘丈佛曾七日說法處中有舍利時放光明其側四佛行坐迹寺北四里臨苑伽岸塔高二十餘丈佛曾七日說法四百餘鬼解悟生天其側又有駁爪塔次側又有四佛行坐迹又東南行六百餘里渡苑伽河南至

釋迦方志卷上 第四八張

夜升天宮於慈氏所受瑜伽莊嚴大乘經論及中邊等曉為衆說林西北百餘步佛駁爪塔自此東行三百餘里度苑伽北至

阿耶穆佳國 周二千五百里都城臨河周二十里寺五所僧千餘人習

學小乘天祠十所異道雜居城東南臨苑伽塔高二十餘丈佛曾三月說法處有駁爪青石塔有四佛行坐迹又東南行七百餘里渡苑伽河南

閭牟鄰河北至

鉢羅伽耶國 周五千餘里都城據兩河交周二十餘里寺二僧少天祠數

百異道特多城西南臨閭牟河曲二

三千里東北流合間有瞻博迦花林中塔高十餘丈佛曾於此降外道處

有駁爪塔經行迹又有提婆菩薩作

廣百論處 城中天祠堂前大樹枝

葉蒙密食人鬼依之左右遺骸為藉

人至祠中无不輕命上樹投下為鬼所

誘城東南河間交廣十餘里土地平

葉場東合流口日數百人自溺而死彼俗名為生天所也有欲行法七日於此絕粒自沉中流遠近相趣乃至山援野度羣遊水濱絕食沉水當戒日王行施之時有二猢猻雌為狗熬雄者負屍擲此河中其又自餓累日而死自此西南大林野行五百餘里至憍賞祇國 周六千里都城周三十餘里寺十餘僧三百餘人天祠五十外道衆多城內故宮大精舍高六十餘尺刻檀佛像上懸石蓋即鄒庵衍鄰王之所造也靈光間起諸王以力欲舉終莫之移昔佛為母上天說法王請目連神力接工就天摸相及佛下天像便起迎佛慰喻日方為佛事舍東百餘步四佛行坐迹佛浴室井今猶充汲城內東南隅具史羅長者宅有佛精舍駁爪塔其大塔側又有四佛行坐迹城西九里石窟佛曾遊此伏毒龍也側有大塔高二十餘丈旁有佛經行迹及駁爪塔病求多愈釋迦遺法滅在此國貴賤入境自然感傷窟東北大林中行七百餘

里度疏伽北岸至迦奢布羅城周十里許是護法菩薩伏外道處塔高二十餘丈佛曾於此六月說法有經行迹及駁爪塔自此行一百八十里至鞞索迦國中印周四千餘里都城周十七里寺二十僧三千人天祠五十外道巨多城南道左右寺塔高二十餘丈佛曾於此六年說法側有奇樹高七十尺春冬不改是佛齒木棄而茂生諸邪見者競來殘伐尋生如故側有四佛行坐迹并駁爪塔基甬相連林池交影自此東北五百餘里至室羅伐志底國中印周六千餘里都城荒毀故基周二十餘里寺數百僧徒少天祠百餘外道甚眾 荒城故殿東基上小塔是鉢羅犀那持多王古王波斯臣為佛造堂殿次側故基上塔是三為佛姨母鉢羅闍鉢底古王波斯臣比丘屋造精舍殿次東塔是蘇達多古王波斯臣之故宅也側有大塔是耆闍利摩羅古王波斯臣捨邪處也城南六里許迦多林是給孤園太子所造寺也今荒廢尚有石柱高七十餘尺育王

造之軌室一存餘並湮沒室中有為母說法金像東北有佛洗病僧塔西北有目連舉身子衣塔不遠并塔佛所汲用又舍利弗與佛經行道說法處並有表塔靈藥異香常降其所又外道然女以謗佛處立塔表之寺東百步大深坑是調達欲毒害佛生陷處南有大坑是瞿伽離比丘毀佛生陷處又南八百步大深坑是戰遮婆羅門女毀謗佛生陷處此三坑皆洞達无灰洪雨大注終無傳信 寺東七十步精舍名曰影覆高六十尺中有東面坐像與外道論處 次東天祠量同精舍初日影西不蔽佛舍晚日陰東遂覆天祠 又東四里大淵池是毗盧釋迦三尊古王波斯臣陷入地處後人立塔記之 又有身子初造寺時與外道捕處亦立塔記 寺西北四里有得眼林中有佛經行迹塔其繆勝軍王扶五百賊眼聞佛慈力一時平復捨杖遂生城西北六十里故城是人壽二丁歲時迦葉波佛本生處其北有塔即此佛全身舍

利之所育王造塔表之 又東南行五百餘里至 劫比羅伐率堵國中印周四千餘里空城十數並無人住宮城周十五里許以軌成之故寺千餘宮城一寺僧三十餘天祠二所外道雜住城內正殿基上精舍中作王像 其側是摩訶摩耶古王波斯臣夫人寢殿基上精舍作夫人像其側精舍中作菩薩像神降之相彼執不同上座部云當唐國五月十五日諸部又云當此五月八日此蓋聞見之異耳其側有仙相塔城南有塔是太子搆力擲為越城墮地為大坑處側有精舍作太子像及受業像 其傍精舍是妃寢處作耶輸施羅井羅怙羅像 別本云太子初夜開城北門出去又城東南隅精舍中作太子乘白馬凌空踰城處 四城門各有精舍作老病死沙門像 城南四里巨拘盧林塔佛得道與天人說法之所城南五十里故城中塔是人壽六丁歲時迦羅迦村駛佛不生城城東南塔即此佛遺身也无

釋迦方志卷三 第五十五條 新 惠

憂王於前建石柱高三丈餘 又東北三十餘里故城中塔是人壽四萬歲時迦諾迦牟尼佛本生城東北塔即此佛遺身也無憂王為建石柱銘記之高二丈餘 城東北四十餘里有太子坐樹下塔大城西北數百十塔是誅釋子塔有四釋子拒軍城人不受被放出境一為烏仗三三為梵衍等王至今不絕 城南屈拘律樹塔是佛初來見父王處 城南門外塔是捕射處東南三十餘里是太子射夫沒地因涌泉流俗傳箭泉病飲多愈或持沮傳額隨苦皆愈又東北九十里臘伐居林釋種浴池花水相映其北二十五步無憂花樹今已枯悴佛誕處也有說云當此三月八日者上座部云當此三月十五日者 次東有塔二龍浴太子處初佛生已不扶而行四方各七步而蹈之處出大蓮花既右脇生天帝衣接四王捧之置金几上凡施四塔并立石柱表之旁有小河東南而流俗号油河是太子產已天化此池光潤令沐以除風虛令變水河

釋迦方志卷上 第五十四條 新

尚賦如油從此東行二百餘里荒林中至

藍摩國中印多室城東南佛塔減百尺

昔初八分之一舍利也靈光時起則有清池龍變為蛇出繞其塔野為採花以散之無憂王欲開龍護不許

又東大林百餘里大塔是太子至此解寶衣中末呈珠付闍釋迦還父王處 又東有賸部樹枯林尚在有小塔是太子以餘衣易鹿皮處其側

塔者刺殺憂年自不定或云十九二十九者 又東南野行百九十里屈拘陀林塔高三丈餘昔人於佛焚地取餘灰炭於此起塔病者祈愈有四佛行坐迹塔高百餘尺左右數百小塔

又東北大林路險五百里至拘尸那揭羅國中印城類荒人物少也

內東北角塔是准施故宅其井猶美營供所穿城西北四里度阿特多伐底河此六有金也近西岸婆羅林兩

林間相去數十步中有四樹特高大輒精舍中作佛涅槃像北首而卧旁

塔高二百餘尺前有石柱記佛滅相

釋迦方志卷上 第五十五條 新

有云當此土三月十五日者說有部云當此九月八日諸部異議云至今貞觀二十年則經一千二百一十二年矣

此依菩提寺石柱記也或云千三百年或千五百餘年或云始過九百未

千年者精舍側有佛昔為維王救火及應救生各立一塔 次西塔者是蘇跋陀羅釋迦滅證處次有一塔是執

金剛神躡地處次側一塔是停棺七日處 次側一塔是阿沮樓陀上天

告母降來夾佛處 城北度屈連禪那河三百步塔者是佛涅槃般那釋迦處也地今黃黑土雜灰炭有新感

者咸獲舍利次側一塔佛為大迦葉波現雙足處次又一塔前立石柱刻

記八國分舍利事此西南行二百餘里至大邑又大林行五百餘里至

婆羅痾釋迦國中印周四千餘里都城西臨疏河長減二十里廣六里許

人居咸滿多信外道寺三十餘僧三千餘並小乘正量部天祠百餘外

道萬餘多事大自在天根也大城中

天祠二十所天根高百餘尺城東北婆

羅迦河西塔有三造高十餘丈前立石柱碧巔現佛河東北十餘里鹿野寺也區界八分連垣周堵層軒重閣僧徒一千五百人並小乘正量部有佛精舍高二十餘丈軀舍龍四合節級百數皆隱起金像鑰石佛等次西南塔高百餘尺前有石柱高七十餘尺洞澈清淨誠感像現隨其善惡即成道已初轉法輪處其側三塔即昔三佛行坐處傍有諸塔五百獨覺入滅處又側一塔慈氏菩薩受記處又西一塔是佛過去為護明菩薩迦葉波佛授今成佛處次南四佛經行處長五十步高七尺青石積成上作釋迦經行像像形特異內貼上騎駿頭抽出神而有徵寺迹極多精舍浮圖乃數百事不可具也寺西清池周二百步佛嘗盥浴次西小池佛嘗滌器次北小池佛嘗浣衣三池龍止味甘且淨有慢觸者金毗羅獸即而害之側有方石上有佛袈裟文迹外道兇人有輕蹈者池龍輒興風雨側有浮圖佛曾作六牙為王見獵者

披法衣故狀牙與鹿側又一塔佛昔為鳥與獼猴為相問誰大處又大林中塔佛與調達昔為鹿王佛代孕鹿命處鹿野之号因而生焉寺西南三里大塔高三十丈其峙壯麗側又一塔是五人迎佛處大林東三里塔者佛昔為兔與諸獸聚自知形小燒身餽之因感天帝下讚故便月輪有兔像現寺東順苑伽河三百餘里東至戰主國中印周二千餘里都城臨苑河周十餘里人咸滿寺十所僧減千人並小乘天祠二十所異道雜居城西北寺塔佛舍利一井昔佛於此七日說法并四佛行坐迹有慈氏菩薩像形小而威德大城東北二百餘里至阿毘陀揭賴擎寺古下因緣北方僧也寺東南渡苑河百餘里至大邑河北岸擲羅延天祠重閣甚嚴又東南三十餘里有降鬼塔半已陷地前建石柱高二丈餘即佛為駁人鬼說法處鬼置石座千數茂林清池不遠數寺皆有僧住學大乘者又東南渡河百餘里塔者即分舍利

瓶及餘舍利也每齋日放瓮又東北渡苑伽河百五十里至吠舍釐國中印度古名周五十餘里邪正兼半寺數百現存五三僧少耳天祠數十露形多之城已頽毀故基周七十許里宮城周五里許少人居住宮城西北六里寺塔是說淨名處又東身子證果塔又東大塔是王得一分舍利一斛許元憂王取九升均造餘塔後更有王欲開地震遂止西北有塔石柱高六丈次南獼猴為佛穿池池西羣猴持佛鉢上樹取蜜處池南猴奉蜜處各有塔記寺東北四里許塔是淨名故宅基尚多靈神其舍疊軌傳云積石即說法現疾處也近使者王玄策以笏量之止有一丈故方丈之名因而生焉并長者實積宅菴羅女宅佛姨母入滅處皆立表記寺北四里塔佛將往拘尸天人送立處次復一塔是佛寂後觀城邑處次南是菴羅女以園施佛處其側一塔是佛三告阿難住壽涅槃處又側一塔是千子見父母處

釋迦方志卷二 第九十九條

即賢劫千佛也東故重閣講堂基

塔時放光明是佛說普門經處

城西北六十里大塔是佛別乘占婆

子處大城西北減二百里故城塔佛

說本生曾於此為大天輪王事

國城東南十五里大塔是七百賢聖

重結集處又南減百里大寺層臺

重起僧學大乘四佛行坐迹側又一

塔是佛南趣摩揭陀北顧吠舍釐城

中息迹處寺東三十里窣伽河南北

岸各一塔是阿難陀分身與二國處

從北岸東北行五百餘里至

弗栗恃國

北印度人也
謂三代持周四千餘里東

西長寺十餘僧減千人大小通學天

祠數十外道眾矣故宮城中有三千

家窣伽東北岸塔高二丈餘南望長

流佛度五百漁人處由捕得大魚十

八頭頭各兩眼又東北百餘里故城

西塔高百餘尺佛嘗六月說法度

人又北百五十里佛跋爪塔又西北千

五百里入山谷至

星波羅國

北印周四千餘里在雪山

中都城周二十餘里雜信寺及天寺

釋迦方志卷二 第一百條

極多僧二千餘人大小兼學王純信

佛城內有間高二百餘尺周八十步

上容萬人面別三疊疊別七層層間

四厦刻以奇異珍寶飾之

城東南不遠有水火村東一里許

有阿耨波沱水周二十步旱潦湛然

不流常沸家火投之遍池火起煙

焰數尺以水洒火火更增熾碎土以

投亦即燃盡無間投者並成灰燼盤

釜水上煮食立熟云此水中先有金

檀有國王得人取之槓已出泥人為

挽之不動夜神告曰此是慈氏佛冠

下生擬著不可得也火龍所護城南

十餘里孤山特秀寺居重疊狀若

雲霞松竹魚龍隨人馴附就人取食

犯者滅門比者國命並徙此國而往

還矣今屬吐蕃又從吠舍南百五十

里渡窣伽河至摩揭陀國即常所謂

摩竭提王舍城也

釋迦方志卷上

癸卯歲高麗國分司大藏都監奉

勅彫造

釋迦方志卷下

終南太一山釋氏

遺跡篇之餘 遊履篇

通局篇 時住篇

教相篇

釋迦方志遺跡篇第四之餘

摩揭陀國

中印度也
古者以耳周五千餘里城少

人居邑落極多寺五十餘僧徒出萬多

大乘學天祠數十異道甚多故城在

王舍城山北寄東二百四十里北臨窣

伽河周七十餘里人壽多歲時另拘蘇

摩補羅城言香茅花宮也

人壽數千歲時更因波吒釐樹名波

吒釐子城古名巴連弗者訛也故宮北

石柱高數丈無憂王作地獄處佛涅槃

後第一百年有阿輸迦王

古元即頻
婆王毘婆羅王之曾孫自王舍城遷都此

城重築外郭出異種稻粒大而美光

色奇異名供大人米也宮北臨窣伽河

小城千餘家見存其獄石柱南大塔

寶飾覆鉢石作欄檻即八萬四千之

一也安佛舍利一外時有光瑞即無

曼遇近護羅漢使鬼神所營其側
精舍中有大石是佛欲涅槃北趣拘
尸南顧摩揭故跡石上之雙跡也長
尺八廣六寸輪相花文十指各異近
為羯羅摩蘇伐刺鄰言金耳國設像述
王言月也毀壞佛迹鑿已還平文采
如故乃捐甕河中尋復本處次側有
四佛行坐塔 故宮北大石室即育王
為弟所造次有大水塘育王節僧者
宮西南小石山周巖澗谷數十石室育
王為近護羅漢役鬼所為傍有石池
俗名聖水飲者病愈山西南五塔面各
數百步育王建八万四千塔已尚餘
五升舍利更造此塔靈異間起有王
將此作難陀王五藏興軍掘之地震
山傾塔中大呼士卒僵仆故城東南
屈屈宅阿藍摩寺古名昔有論議屈
於外道十二年未不擊捷提有南印
度都伽開刺樹耶菩薩此菩薩來
至伏諸外道始擊捷提故塔名擊
捷提也

次北有鬼辯塔馬鳴事
城西南隅二百餘里古寺塔中四佛

行坐迹 又寺西南百餘里大寺僧
徒千數並學大乘合有四院觀閣三
層崇基重戶中間三精舍金銅隱起
中有立像高三丈左多羅菩薩右觀
自在並鑄石鑄成三所各有舍利一升
光相時起 寺西南百里大山上石塔
高一丈餘佛於大磐石上入定經宿諸
天雨光以感慕故起寶塔高一丈許
今寢為石堆通望見煙霞止居靈聖
龍地窟穴驚為鳥猛獸古今無人達者
山東崑崙塔佛於此立觀摩揭國處
山西北三十餘里山寺負嶺踰崖置
閣大乘學瞿摩末底菩薩唐言德
慧伏外道處今有僧五十餘人
又西南二十餘里孤山寺有論師尸
羅跋陀羅唐言戒賢今見在初伏外
道得邑捨而造之其處疎一危峯如
浮岳形置佛舍利 又西南五
十許里度居連禪河有伽耶城少人
物婆羅門千餘家住仙人之境也王
所不自眾或加訖 城北三十餘里清
泉俗傳聖水飲濯之者罪消也
城西南六里許伽耶山也谿谷杳冥

世謂靈岳自古君王登封告成也頂
有石塔高百餘尺時放奇光佛於
此說寶雲等經
山東南居連河減二里許至鉢羅跋
菩提山言前正覺也佛將證先登因
名也
佛自東北崑崙上頂欲入金剛定振地
投山神懼告佛又至西南半崖中
面澗坐石地山又震淨居天告曰此
西南十五里近苦行處畢鉢羅樹下
金剛座處是菩提座三世諸佛咸此
成覺佛方就之仍為石室龍留影也
今或有見者及無憂興世於諸靈迹
皆表淨面雨諸天花每竟安居法俗
同往登山供菩提樹其菩提樹周垣軌
疊以崇固之東西闊周可五百四十步
奇樹名花連陰列植 正門東開對
居連禪那河南門接大花池西阨險
固北門通大寺其塙院內聖迹諸塔
精舍星張相布樹垣正中金剛座者
賢初初成與大地俱大千界中下極
金輪上至地際金剛所成周百餘步
十佛同坐入金剛定故因号焉即證

高麗方志卷下 第五張 影

道之所也。又曰道場大地震時獨元搖也。佛證覺後自入末法沙土彌覆不見本質。傳佛說耳遂以兩軀觀自在菩薩南北擇界面南而坐。記云此像身沒佛法當滅南陽夢者今沒臂臆。

佛在世時菩提樹高數百尺枝葉青冬夏不改。佛涅槃至某洞尋復後為元憂王伐截於西數十步聚而燒之用以祠天煙焰未止忽生兩樹猛火之中茂葉同榮因謂灰菩提樹王觀信生以香乳灌餘根者至旦樹生如本。王妃忿之又夜重伐王重所請以乳灌之不日還生。壘石周垣其高丈餘近為金耳國月王又伐此樹掘至泉水不盡根起乃縱火焚之。又以甘藤澆之令焦爛絕其本也。數月之後為補刺擎伐摩王此言滿曹即無憂王之玄孫也。聞樹被誅舉身投地請僧七日經行遠樹大坑以數千牛乳灌之。經六日夜樹生丈餘恐後剪伐周時石垣高二丈四尺樹令出於石壁上二丈餘圍可三尺。

高麗方志卷下 第六張 影

樹東青觀精舍高百六十餘尺其廣二十餘步。上有石鈎欄繞之高一丈。龕皆有金像四壁四壁鏤諸天仙上頂金銅阿摩勒迦果即此所謂寶瓶及寶臺也。

東南接為重閣三層檐宇特異並金銀飾鏤三重門外龕中左觀自在右慈氏像並鑄銀成高一丈許無憂王造也。精舍初小後因廣之內置成道像有婆羅門應募造之惟須香泥及一燈內精舍中六月開戶作之乃成。尚餘四日僧咸恠之因開觀覓見像儼然東面而坐右足加上左手欽右手垂不見作者。座高四尺二寸廣一丈二尺五寸像高一丈一尺五寸兩膝相去八尺八寸兩肩六尺二寸相好具足惟右乳上圖飾未周更填眾寶遙看其相終似不滿有僧夢正者云我是慈氏恐工拙思故自寫之言垂手者像佛語魔指地為證近被月王伐樹令目毀像王自東返臣本信心乃於像前橫施乾障心愧聞故置燈於內外盡自在天像切成報命。

高麗方志卷下 第七張 影

月王聞懼舉身生剝肌膚皆裂尋即喪沒大目馳返即除壁障往還多日燈猶不滅今在深室晨持鏡照乃觀其相見者悲戀訖即忘返佛以唐國三月八日成道上座部云當此三月十五日成道時年三十者或云三十五者斯之喪乎彼自不同由用曆前後故有此異猶神州曆之各各不同三代定正延縮不等何足恠也且據一相取悟便止。

佛成覺已七日寐定至於樹北七日經行南北往來十餘步許異花隨迹有十八文後人輒壘為基高三尺餘俗云聖迹基也表人命之脩短者先發誠願以繩度之隨壽短長增減有驗此北道左磐石上大精舍作佛上望仰觀樹相為報恩像當時七日目不暫捨樹西大精舍鑰石像東面立飾奇珍前有青石奇文異彩初成道日梵王起七寶堂帝釋起七寶座佛據上七日思惟放光照樹今寶為石樹南洋面高百餘尺初佛於河沐已將生念草帝釋化人以姑尸草言告以奉佛處

育王造塔表之 次東北塔是證果時青雀來繞羣鹿呈祥慶

樹東大路左右各一塔是魔王燒佛

襄退慶 樹西北精舍中迦葉波佛

時放光明俗云至誠七繞生得宿命

智又垣西北塔贊金香泥高四丈餘

樹垣東南隅左構盧樹側有塔精舍

中有座佛初證果時大梵王請轉法

輪慶 垣內四隅皆有塔初佛受草

趣樹先至西南地動又向西北又東北

又東南並地為震即西北至樹下東

面坐金剛座上地方安靜故立塔記

垣外西南二枚牛女宅處其側煮藥

慶又側佛受藥慶皆立表塔樹南門

外大池周七百餘步清澄魚龍所宅

次南池者帝釋所造為佛濯衣

池西大石天帝雪山將來為佛曬衣

側塔是佛納故衣慶

次南林中塔佛受貧母施故衣慶

化池東林龍池清黑味甘岸西小精

舍中像佛初成道此坐七日入定龍王

繞佛七匝化多頭蓋佛慶龍池東林

精舍作佛羸瘦像側有經行迹七十

餘步南北各有卑鉢羅樹往來攀而後起即苦行六年日食一麻麥慶今

有疾者香油塗象多愈 又有五人

住慶塔 又東南塔佛入屋連河浴

慶次近河佛食乳樂慶於道樹下受

解脫也其側二塔長者獻蜜麩慶

樹東南塔是四天王四方來各持金

鉢及諸寶鉢佛皆不受乃各持石

鉢紺青映微方授受之授為一鉢外

現四際 其側有塔成道後為母說

法慶現神變慶度優婁迦葉千人慶

又西北伏火龍慶 五百獨覺入滅慶

目真龍池南迦葉謂佛溺水慶魔怖

佛慶皆立表塔記之樹垣北門外即

摩訶菩提寺庭宇六院觀閣三重周垣

高五丈許佛像鑄金銀莊嚴工巧極

世華美塔又高廣有佛舍利大如指

節光澤鮮白通徹內外內舍利者大

如青珠形帶紅色每年至佛大神

變月出以示人即印正月十五日也於此時

也放光雨花大起深信其手常僧減

一千人習大乘上座部法儀清肅是

南海僧伽羅國王請中印度大吉祥

王立之經今四百年矣故寺多師子國人又菩提樹面十餘里聖迹相隣

聖難備舉每年比丘解安居訖四方

諸俗百千萬眾七日七夜香花伎樂

遍林供養禮拜奉慶印度諸僧以

唐五月十六日入雨安居以唐八月十

五日解夏斯亦隨終二變不可約之

如雪山北有國坐春坐秋者意以一

年之內多濕熱慶制三月住就中

前後一月延促不定若攝修道何時

不安故三時遊行通制有罪必有緣

務亦開兼濟不執也 菩提樹院東

渡且連河大林中塔北池者佛昔為

香為子侍盲為母慶前建石柱昔

迦葉波佛於此宴坐側有四佛行坐

迹林中小石柱是贊頭藍發惡願

慶又東慶莫訶東大林野行百餘里至

屈屈叱播陀山言尊亦謂宴盧播陀

山言尊直上三峯狀如雞足峭絕孤起

迥然空表半下茂林半上蔓草尊

者大迦葉波於中寄定故因名焉初

佛以姨母織成金縷袈裟傳付慈氏

佛今度還法四部弟子迦葉承旨佛涅

釋迦方志卷下 第七

終

膝後第二十捧衣入山以待慈氏
上有一塔靜夜望之明炬自照難足
山東北百餘里至佛陀伐那山北崖
大石室佛止數年旁有磐石帝釋
摩檀塗佛今猶芬烈從空谷東出三
十餘里申瑟知林林音林滿山谷昔有人
以丈六竹杖量佛而恒出杖表因投
杖而去遂生根而被山焉中有一塔
佛曾七日說法處林中有勝軍居士
以香末為泥作五六寸塔上書經文
名法舍利也三十年間晝夜無息凡
作七億每一億小塔作一大塔感之請
僧法會稱慶其事皆放光明杖林
西南十餘里大山陽二溫泉甚熱佛
化浴焉遠近沐浴者沉痾皆愈側有佛
經行像塔林東南七里許大山嶺上
石塔佛於此兩三月為天人說法頻毗
婆羅王壘石為道廣二十餘步長四
里許大山東北四里許至孤山仙人
室也 又東北五里小孤山壁石室可
坐千人佛於此三月說法室上磐石
梵釋於此摩檀塗佛今猶郁烈
室西南隅巖岫即阿素落宮石室

釋迦方志卷下 第七

終

側頰毗王住佛所機道斷云通路長
五里許作階之又東行六十餘里至
維奇揭羅捕羅城城音城上茅宮城
即摩竭施之丘中也多出香茅國中
家勝古永諸王都其山城門闕在焉
因香為名崇山四同以為外郭西通
狹徑北開山門東西長周迴一百五
十里樹花合茂皆作金色內城同三
十餘里城內益涼都絕人物 北門外
塔佛舒手現五師子伏提婆醉藥處
又東北塔是舍利子聞焉勝比丘說法
證道處
塔北大深坑旁塔是室利翅多音佛說
火坑以言佛愛 坑東北山城之曲有
塔是縛迦晉王宅為佛建說法堂周
垣花果藥株尚在佛多止中 宮城
東北十三里許三姑栗陀羅矩吒山音
長臨崖西垂觀室廣高奇製其戶東
開佛住世五十年多居斯室說法
今作等佛身像昔影堅王為聽法
故自山至峯跨谷陵巖編石為道階
凡六里廣十餘步從杖林石室至此

釋迦方志卷下 第七

終

三階即猶存焉階側二小塔一令玉
下一簡凡人 其上精舍東長石佛
曾經行履之 旁有大石高丈四五廣
三十餘步是提婆所擲佛者 其南
崖下塔佛此說法花經處
精舍南山崖大石室佛於此入定阿
難別室魔怖之佛以手通石摩頂見
有通穴精舍東北大石間大磐石佛曬
衣處文今明徹旁有佛迹輪文入石
北山頂塔佛望摩揭城七日說法處
山城北門西有毗布羅山西南崖陰昔
有五百溫泉今猶數十尚熱冷燭源
發雪山無熱惱池潛流出此猶清且
美味同本池並彫石為師子之首石以
周流下乃編石為池浴者病差諸有
僧寺多取飲之以水沐浴終身常淨
使人王玄榮曾以沐首經今五載後
常潤淨不可思議 泉左右塔及精
舍故基羅列並四佛行坐迹此中山
林相兼隱者見泉泉西早鉢羅石
室佛昔恒居後壁洞穴是阿素落宮
此毗布羅山上塔是佛說法處今露
形外道居之 山城北門左南崖陰東

行三里許大石室調達入定處室東有斑血磐石上古有比丘脩定不證自判頭便證羅漢外空化火自焚處崖上石塔習定者投崖證果處北門外一里餘至迦蘭竹園精舍石基軼室東開佛多止中室尚存矣今有等佛身像 竹園東大塔是阿闍多設咄路云未生也即闍王也得舍利分所建後無憂王開之別建諸塔餘在者時放光焉側有佛經行處東有阿難半身塔竹園西南六里許南山陰大竹林中大石室是大迦葉波與千羅漢於此集三藏處僧中上座即号上座部焉室西北塔是阿難受責證果處名證果塔也 西行二十餘里塔者是諸學無學大眾法集五藏處因謂大眾部焉竹園北二百餘步迦蘭池佛多說法今枯涸也 池西北三里許塔育王立高六十尺石柱五十餘尺上刻立塔事柱東北不遠至曷羅闍姑利四城即王舍城李棠村地闍王移都所築當茅城東北四里城周二十餘里面有一門無憂王更都香花城將此施婆羅門今住者藏

千家宮城西南二小寺佛昔說法處諸國客僧多來投止 次西北塔殊底迦長者故里即迦提也王城南門外道左塔者佛說法度羅怛羅處又北三十餘里至

郁爛陀寺唐書本南菴沒羅園也昔有五百商人買以施佛於中三月說法前後五王之所合造一錄迦羅阿迭多王此言帝日創造此寺二佛陀耆多王此云覺護次南造寺三咀陀揭多王此言如來次東造寺四婆羅阿迭多王此言幻日次東造寺五伐闍羅王此言金剛次北造寺周垣峻峙高五丈許縱有七院院別三層同為一門歷代興建窮壯極麗寺立嚴制立寺日來女人不至知事十人每夕巡檢未具受者齒叙為次僧徒數千遊學名僧通數將万多是俊才通學聲馳異域者其人數百故印度諸僧皆仰則焉其有不談藏旨者形骸自愧故殊方來議守門者詰問多屈而返茲客遊後進詳論藝能其退飛者固十有七八矣所以高才博達強識多能明德

引人聯踵接物至如護法護月振續芳塵德惠德堅流譽物表光支清論勝友高談習月風鑒戒賢志葉皆純粹於當時並昭彰於遠古既學冠舊儀述作論釋各數十部盛世流布故寺聖迹略而可叙寺西精舍佛曾三月說法次南百步小塔達方僧見佛處又南有龍自在菩薩立像或見執香爐繞精舍右旋者 次南一塔佛曾三月住剎前事疾速多愈

西垣外池側塔是外道執雀問佛處東南垣內五十餘步有奇樹高八九尺其幹兩披佛昔爵素生而如此次東大精舍高二十餘丈佛曾四月說法處 次北百餘步精舍觀自在像見感不同或立門側或出塔前故因法俗咸別供養 次北大精舍高三十餘丈戒日王造莊嚴度量及中佛像同菩提樹下精舍也 次東北塔佛曾七日說法處 西北即四佛坐處 次南鑰石精舍高八十尺戒日王造今猶未了 又東二百餘步垣外有銅立像高八

釋迦方志卷下 第十八

十餘尺六層間威滿曹王所造此北三里乾精舍中多羅菩薩像量高五異歲之元日咸興供養諸國王巨寶樂俱奏七日乃止

寺垣門內大井佛為高侶熱渴指地曰此可得水因以車軸築之泉涌飲之悟聖也

寺西南九里許沒特伽羅故里育王造塔記目連也又東四里許是頻伽王此云影堅迎佛處又東南二十餘里舍利子故里育王建塔傍有尊者遺身塔及井在矣

又東南五里塔迦葉波佛時有三億大羅漢同此入滅處又東三十餘里帝釋窟也巖谷危險花林疎茂兩峯特起西巖南面石室佛曾止住釋以四十二疑畫石請問其迹尚存今像擬昔入孔肅然巖上四佛行坐迹東峯有寺僧夜西望見石室前有燈炬然帝釋峯寺前有鴈塔其綠如經帝山東北百六十里許至迦布德寺三僧僧有二百人寺東有塔佛為大眾一宿說法往昔佛作鵲投火與羅者食事

釋迦方志卷下 第十八

東有育王塔塔南三里孤山甚高峻多塔窟上觀自在像軀小威大手執蓮花頂戴佛像斷食七日乃至一月便見真儀從像中出即僧伽羅王所造精舍也又東南行四十里寺僧五十人小乘學大塔多靈佛為梵王等七日說法處側有四佛行坐迹寺東北七十餘里疏河南天祠東大塔佛曾一宿說法處又東入山林百餘里大寺育王塔佛曾三月說法處北三里大池周三十餘里四色蓮花四時開發又東入山林二百里至

中印

伊爛拏鋒伐多國周三千餘里都城北臨疏河周二十里寺十所僧四千餘人多小乘正量部天祠二十餘異道雜住城中二寺各減千僧並小乘學城北河側伊爛拏山古來五通仙常居今有天祠佛於此三月說法城南塔佛曾三月說法傍有三佛行坐迹國西界疏河南岸孤山長一里餘佛曾三月安居降薄句羅鬼藥又處山東南崖下大石上佛坐迹入石寸餘長五尺二寸廣二尺

釋迦方志卷下 第十八

一寸上有塔蓋次南石上佛拈維迦即深底深寸餘八出花又坐迹東南藥又迹長尺六寸廣八寸深二寸山頂有藥又故室北有立佛迹長尺八闊六寸餘深半寸上塔覆西有溫泉六七極熱國南大林多野為極大從此順疏河南岸東行三百里至

中印

瞻波國周四千餘里都城北臨疏河周四十餘里寺數十僧二百餘人小乘學也天祠二十餘所異道雜居城以輓壘高數丈却敵崇峻初人勃伊始野居穴處後有天女降人中遊疏河濯流自媚感靈有娠生四子分贈部洲分壇建邑此則一子之都城即贈部之始主也地溫熱宜為耳城東百五十里疏河南水環狹洲中山崖上天祠多靈其國界野為羣遊又東四百餘里至

中印

羯朱咀祇羅國周二千餘里寺七所僧三百餘人天祠十所異學雜居地多泉濕城北疏河岸有大高臺以輓為之四面鑲佛天等像南境多野為耳戒曰王遊巡東天於此築行宮

又東度攷如河六百餘里至

奔那伐彈那國度也周四千餘里都城

周四十餘里人咸滿寺二十餘僧三千餘

人大小兼學天祠百所異道雜居露

形偏多城西二十餘大寺僧七百餘人

並大乘學東印度境名僧出此有

育王塔佛曾三月於此說法齋日放

光側有四佛行坐迹次精舍中作觀

自在像神降非一人多絕粒祈者必

感土地卑濕出般耶婆果既多且貴大

如鵝卵或在樹枝及根中如茯苓也

又東九百餘里渡大河至

迦摩縷波國東印周萬餘里都城周

三十餘里至今未有佛法自事天神

天祠數百異道數萬人有摩羅王王

子據之相承千餘世矣土泉溫郁人

物昌盛其國東境接唐西南有諸

壑獠於彼朝貢云可兩月行便入蜀

之西界其國東南又饒野焉其王聞

沙門玄奘名略遠來中天迎請東達

既見傾仰資若舊交生信釋門光開

佛教矣又論議伏諸外道授以歸戒更

廣揚化是則東天佛教由奘和之聲

唱遐塞戒日王知又延西返重加札券

事在別傳從此南行千三百里至

三摩咀吒國東印周三千餘里近海卑

濕都城周二十餘里寺三十餘僧二

千餘人上座部也天祠百餘異道露

形甚盛城側育王塔佛曾七日說法

處旁有四佛行坐迹側寺中青玉像

高八尺相具威嚴自此東北大海濱

山各中有室利美咀羅國次東南

海隅有迦摩浪迦國次東有墮羅鉢

底國次東有賞那補羅國次東有

摩訶勝波國即林邑也次西南有閭

摩那洲國凡此六國道阻不行又從三

摩咀吒國西行九百里至

軌摩栗底國東印周千五百里都城

周十餘里濱海卑濕寺十所僧千餘

人天祠五十異道雜居育王立塔四

佛行坐迹又西北行七百餘里至

羯羅摩訶蘇伐剌那國東印周四

千五百里都城周二十餘里人物殷盛

邪正兼半寺十餘僧二千餘人小乘

正量部天祠五十餘異道甚多別有

三寺不食乳酪調達部也

城外寺塔育王所造佛骨七日於此說

法側有精舍四佛行坐迹又西南七

百餘里至

烏荼國東印周七千餘里都城周二

十餘里信佛法寺百餘僧萬餘人並

大乘學天祠五十異道雜居塔有十

餘並佛曾說法處西南境大山中

大寺石塔多瑞膏自放光承露盤下覆

鉢勢上以花蓋等置之便住如礎石

吸針也自此西北山寺塔異寺同前

二塔神鬼所造東境臨大海折利

咀囉城東印周二十餘里入海商人止路

次城外五寺臺閣崇高尊儀巧異

南去海中僧伽羅國二萬餘里靜夜

望彼佛牙精舍數百尺表上鉢曇摩

羅伽寶寶大如外珠光挺照懸燭此城

又西南大林千二百餘里至

恭御陀國東印周千餘里城都周二十

餘里濱海土熱濕多有奇寶璆貝真

珠大青烏等其俗信外道天祠百所異

道萬餘人境內小城數十據山海佳又

西南大荒林行千五百里許至

羯羅伽國東印周五千餘里都城周二

經四方志卷下 第三十三

十餘里少信佛法寺十餘僧徒五百餘人大乘上座部天祠百餘異道甚多城南育王塔高百餘尺四佛坐處境北乘大山嶺上塔高百餘尺初初人壽無量時獨覺入滅處國中深林數百里出者為隣國所重昔五通仙巖栖人觸通退便以惡咒煞此國人今猶少也又此西北山林中行一千八百餘里至

橋薩羅國中印周六千餘里山嶺周境

林藪連接城周四十餘里邑里相望大信佛法寺百餘僧徒萬數並學大乘天祠七十異道雜居城南故寺塔佛曾現通伏外道處後龍猛菩薩止此寺中又西南三百餘里有跋邏末羅者盤山山也岌然特上峯峭斗絕既無崖谷宛如全石其國昔有引正王為菩薩鑿山造寺去山數十里鑿開孔道當山下仰穿踈石長廊步踏崇臺重閣間有五層層有四院並有精舍妙窮工巧從山頂上飛泉派注重疊交通踈窻引明其內通朗人力既竭府藏又盡其功未半王其憂之

經四方志卷下 第三十四

龍猛密以神藥滴諸大石並變為金王見喜勇遂營得就於五層中各鑄四大金像量等佛身餘尚積庫因僧有諍工人用費並散傾文今惟淨人守護其數極多密其穴不可輒見又結法藏後一切諸經並此山中不許持出近有引醫方者入中療病後蒙面而出故罕有達者從南林行九百餘里至

索達羅國南印周三千餘里都城二

十餘里寺二十僧三千餘人天祠三千餘外道極多城側大寺重閣奇巧佛像亦異前有石塔高數百尺並阿折羅官所阿羅漢所造近寺西南二十餘里孤山嶺上石塔即陳那菩薩造因明論處又西南一塔佛曾於此說法從此林野南行千餘里至獸那羯磔迦國南印周六千餘里都城周四十餘里寺多毀壞存者二十餘僧千餘人大眾部也天祠百餘異道甚多城東西據山間各有大寺昔王為佛造莫山踈石製極華博賢聖遊息佛滅未久有千凡僧安居嚴日

經四方志卷下 第三十五

皆證無學凌虛飛去今病無人有婆毗吠伽論師明神即波若燈論主也於觀自在前絕粒而飲水三年待見慈氏觀自在乃為現色身今在此城南大山巖執金剛神所誦金剛咒三年神授方丈此巖石內有阿素洛官如法行請石壁當開可即入中待慈氏出我當相報又經三年然咒芥子擊於石壁豁即洞開時百千眾觀觀驚歎論師跨門垂三願命惟有六人從入餘者謂毒地窟也當即石門還合如壁自此西南千餘里至

珠利耶國南印周二千五百里都城周

十餘里人物少僧寺粗有天祠數十多露形外道城東育王塔佛於此度人伏外道處城西故寺提婆菩薩詰問溫咀羅羅漢此云七轉已羅漢杜口不答杜運通力往慈氏所告日提婆者賢劫之佛非余能酬如彈指頃還復談對菩薩知之謂曰此慈氏大聖之所釋也南林野行千六百里至達羅毗荼國南印周六千餘里都城

周三十餘里寺百餘僧萬餘人皆上座部天祠八十餘多露形外道

有育王塔佛數遊此說法度人城南大寺塔高百餘尺佛曾說法伏外道處又有四佛行坐迹自此南行三千餘里至

秣羅矩吒國南印周五千餘里都城

周四十里許僧少天祠數百外道甚多露形者其土烏鹵不滋茂也

城東有育王弟寺又有王立塔佛曾說法祈願皆遂國南近海有秣刺

耶山有白檀香樹又羯布羅香樹松身異葉香如冰雪即龍腦香也

山東有布咀落迦山頂有池流下出大河繞山三十匝而入南海側池天官即觀自在遊舍處也祈者見為自在天像山東北海畔城古僧伽羅國今入海三千餘里至

僧伽羅國非印度攝即周七千餘里都城周四十餘里人大盛寺有數百

僧二萬餘人上座部也宮側有佛牙精舍高廣如前宮中日建萬八千僧食十數年來國亂方廢佛牙側小精

舍中金銅坐像內鑄上安奇寶昔人因札見寶起貪夜盜下像首乃曰

佛昔輕命為生今何慘實乃今像乃俯首與之後王知而不罪王贖其寶還安像頂至今臣首國東南隅數千里鄰羅稽羅洲人長三尺鳥喙惟

食椰子國洲東南隅有驤迦山鬼神所遊佛於此說經洲西浮海數千里孤島東崖石佛高百餘尺東面坐

以月愛珠為肉髻月將迴照水即懸注人食之矣洲西浮海又數千里有大寶洲无人居止往无達者又於達羅毗國北林行二千餘里至

恭達都補羅國南印周五千餘里都城周三十餘里寺百餘僧萬餘人兼學大小天祠數百異道雜居宮城側大寺精舍高十餘丈僧三百餘人中

有一切義成太子寶冠減二尺許齋日放光即善薩時也大城側大寺中精舍高五丈餘二百億羅漢是一造

檀慈氏像高一丈餘齋日放光城北近多羅林周三十餘里葉廣長色光潤諸國同採以供書也林中塔四佛行

坐迹二百億舍利塔亦此林中城東塔高三丈有舍利齋日放光佛曾遊此

說法又西北林中猛獸所居二千五百里許至摩訶刺佗國南印周六千餘里都城臨大河周三十餘里其俗有思必報有怨必復強梁跋扈不實戒曰

王也寺有百餘僧徒五千餘人大小兼學天祠百數異道眾矣大城內外五塔四佛行坐迹育王表之城南故

寺有觀自在石像願求多果東境大山寺羅漢造也大精舍高百餘尺石像高七十餘尺上有石蓋七重虛懸空中相去各三尺傳云羅漢願力所

持或感神力或藥術力諸說不一精舍四面彫作佛因地及證果八寶相具矣寺門外南北各一石為傳云為乳地則震矣自此西行千餘里度耐末

陀河至跋祿羯咭婆國南印周二千五百里都城周二十餘里邪正兼信寺

十餘僧三百餘人習大乘上座部天祠十所異道雜居土地鹵惡草木希薄從此西北二千餘里至摩臘婆國南印周六千餘里都城周三

釋迦方志卷下 第五十九條

十餘里據莫訶河東南即五印度之

重學土也人性善順諸國所無同摩揭

陀南洲訖教二國而已邪正兩信寺數

百僧二萬餘小乘正量部天祠數百

異道塗灰其侶衆矣城西北二十里

有大婆羅門邑側大陷坑水流無滿

昔大憐婆羅門謗大乘生陷入地獄處

自此西南入海道矣又西北行二十五

百餘里至

阿吒釐國南印周六千餘里都城周二十

餘里人咸滿家事天神祠十餘所異

道雜居土地沙鹵出胡樹樹如蜀樹

樹又出熏陸香樹葉如棠也又從摩

臘國西北三日行波百里至

契吒國南印周三千餘里都城周二十

餘里人滿住寺十餘僧千餘人大小

通學天祠數十外道持多又北千餘

里至

伐臘毗國南印周六千餘里都城

周三十餘里人住咸多財百億者有

數百家寺百餘僧六千餘人多小乘

正量部天祠數百外道亦多佛數達

此國育王多樹塔有三佛行坐迹

釋迦方志卷下 第六十條

又於西北行七百餘里至

阿難陀補羅國西印周二千餘里都城

周二十餘里人戶滿寺十餘僧減千小

乘正量部天祠數十外道雜居從伐

臘西五百餘里至

蘇刺吒國西印周四千餘里都城周三十

餘里西據莫訶河人住滿屬伐臘燕

信邪正寺五十餘僧三千餘人上座

部也天祠百餘外道雜住地鹵斤花

果少國當西海路口不遠城西山頂有

寺大宏敞花美仙賢遊止又伐臘北

十八百餘里至

瞿折羅國西印周五千餘里都城周

三十餘里人咸少信佛寺一所僧百人

小乘學天祠數十異道多矣又東南

二千八百餘里至

鄒闍行鄰國南印周六千餘里都城周

三十餘里人咸滿寺在者五所僧三百

人大小兼學天祠數十異道雜居地

鹹果少城側塔者無憂造生地獄處

又東千餘里至

擲担陀國南印周四千餘里都城十五

里許寺數十僧少耳天祠十所外道

釋迦方志卷下 第六十一條

十餘人又北九百餘里至

摩醯濕伐羅補羅國中印周三千里都

城周二十餘里不信佛法天祠數十

塗灰外道也從瞿折羅北野磧行

二千里許渡信度河至

信度國西印周七千餘里都城三十餘

里土出金銀鎗石一萃駝駝極卑小

出赤白黑鹽信佛法寺數百僧萬餘

人並小乘正量部而多怠行天祠三

十異道雜居佛屢遊此育王建塔

數十焉有烏河側千餘里陂澤間

數百千戶牧牛為業惟然無務無

貴賤男女道俗之別而剃頭鬚服袈

裟形同比丘樂行鄙俗又懷小見排

斥大乘昔有羅漢乘空往化授三歸

已割染行法後還服本風俗故今自

東九百餘里越信度東岸至

茂羅三部盧國西印周四千里都城周

三十餘里人咸屬祿迦國寺十餘僧極

少持信天神其祠八所外道甚多城

側有日天祠莊嚴甚麗鑄金為天形

飾以奇珍女樂迭奏四周花地林木

茂美五竺諸王於此立福舍捨物給

貧病者又東北七百餘里至

鉢伐多國北印屬磔迦也周五千餘里

都城周二千餘里人咸雜信寺十餘僧

千餘人小大兼學有育王塔天祠二

十城側大寺僧百餘人並大兼學近

天火燒之土多旱稻從信度西南千

六百里至

阿點婆翅羅國西印周五千餘里都城周

三十餘里僻在西境地卑下臨信度河

濱大海重佛法寺八十餘僧五千餘

人多小乘正量部天祠十所塗灰外道也

佛曾遊此育王立六塔又城西咸二

千里至

狼揭羅國西印廣從各數千里都城

周三十餘里人咸滿近西海入西女國

路口屬波斯寺有百餘僧六千餘人

大小兼學天祠數百塗灰道咸土潤

洽海茂百卉自此西北即至

波刺斯國非印周數萬里都城周四

十餘里人物甚盛寺有三所僧數百

人天祠甚多土出金銀鑰石頗服水

精死多棄屍佛鉢在王宮中東境有

鵝林城郭周六十餘里人衆咸西北

接拂憐國非印出伯狗子奔赤頭鴨

生於穴中案梁貢職圖云去波斯北

一萬里西南海島有西女國非印拂

憐年別送男夫配焉彼國又云波斯

斯西一萬里極婆羅門國南一萬里

又是婆羅門以今往度疑太遠遠從

阿點北七百餘里至

僻多勢羅國西印周三千餘里都城周

二十餘里人咸屬信度國寺五十餘僧

三千餘人小乘正量部天祠二十餘塗

灰道也

城北十六里大

林四佛行坐處育王建塔高數百尺

中有舍利放光佛曾作忍仙被此王

宮處東有故寺又東北三百餘里至

聳奈國西印周二千五百里都城周

二十餘里國無君長屬信度寺二十所

僧二千餘人小乘正量部天祠五所

塗灰道也地多花果城東大竹林古

寺是佛開諸比丘著牙縛此言也處

也旁塔高百餘尺側有精舍青石立

佛齋日放光 此南八百步林中淨

面育王所立佛止於此以寒故三衣

又四佛坐處別塔表之又駭爪塔齋日
放光又東北九百餘里至
伐刺拏國西印周四千餘里都城周二
十餘里人住滿屬迦畢試寺數十僧三
百人大小兼學天祠五所塗灰道也
地多山林城南故寺佛曾遊此側塔
是四佛行坐迹俗云此國西接暹那
國居大山中復此西北又踰大山二
千餘里出西印度境入胡俗境禮維
叱國又東北千六百里入迦畢試界
方合北道及中道也略舉突厥已南
三海所內合一百五十國非印度所攝
者七十一國契厥以北至于北海而
遊者無間故无可記也
釋迦方志遊履篇第五
自文字之興庖犧為始暨至唐運曆
代可紀而聞矣秦周已前人尚純素
情不逮遠故使通躬止約神州漢魏
以後文字廣行能事辭興博見弥遠
故象骨載底萬街斯立踰空乘而歷
昆丘度難田而跨鳥穴龍文汙血之
驥雖絕域而可追明珠翠羽之珍乃
天涯而必舉窮兵黷武誠大究之勞
師掉節溫海信王命之遐弊及顯宗

探迦方志卷下 第三十五條

之感瑞也創開仁化之源奉信懷道自斯漸盛或慨生邊壤授命西天或通法揚化振策東宇或窮開教迹不遠尋經或靈相舊規親往詳閱斯之多舉並歸釋宗故摠別之用開神略始於前漢至我大唐前後通數使之往返將二十許且張騫尋河本惟凡俗然創開佛名則釋化之漸也故亦通叙求法之例今搜括傳記條序使途列其前後顯然有據

一謂前漢武帝遣博望侯張騫尋黃河之源從北道入大宛至大夏見節竹枝蜀布國人云之身毒身毒即天竺之訛語也後漢書云其國經平和氣靈智所降賢懿挺生神迹詭怪理絕人區感驗明顯事出天外而驚超無聞者豈其道閑往運數開於葉乎二謂後漢顯宗孝明皇帝永平三年夜夢金人身長丈餘項佩日月光飛行殿前帝問群目通人傳報曰目聞西域有神其名曰佛

陛下所夢將必是乎帝乃遣郎中蔡愔博士秦景等從雪山南頭懸度道

探迦方志卷下 第三十六條

入到天竺圖其形像尋訪佛法將沙門迦葉摩騰竺法蘭等還尋舊路而屆犍陽

三謂後漢獻帝建元十年秦州刺史遣成光子從烏鼠山度鐵橋而入窮於達觀旋歸之日還踐前途自出別傳四謂晉武世燉煌沙門竺法護西遊三十六國大費胡經訟路譯出至長安青門外立寺結衆千餘教相廣流東夏者法護深存殊切故釋道安云若親得此公筆自經領必正斯至言也五謂東晉隆安初涼州沙門釋寶雲與釋法顯釋智嚴等前後相從俱入天竺而雲通歷大夏諸國解諸音義後還長安及以江表詳譯諸經即當今盛行莫非雲出而樂拙幽靜終於六合山遊西有傳

六謂東晉後秦姚興始年京兆沙門釋智猛與同志十五人西自涼州鄯鄯諸國至蜀賓見五百羅漢問顯方俗經二十年至甲子歲與伴一人還東達涼入蜀宋元嘉末平成都遊西有傳大有明據題云沙門智猛遊

探迦方志卷下 第三十七條

行外國傳曾於蜀部見之

七謂後燕建興末沙門曇猛者從大秦路入達三舍城及返之日從陁廬道而還東夏

八謂後秦弘始二年沙門法顯與同學慧景等發自常安度于填道凡經三十餘國獨身達南海師子國乃汎海將經像還至青州牢山登晉地往揚荆等州出經所行出傳

九謂宋初涼州沙門智嚴遊西域至罽賓受禪法還長安南至揚州宋都廣譯諸經然以受戒有疑重往天竺羅漢不決為上天諮彌勒告之得戒於是返至罽賓而卒遣弟子智羽等報徵西返

十謂宋永初六年黃龍沙彌釋法勇採志雄遠思慕聖迹招集同志沙門僧猛曇朗等二十五人發跡雍部西入雪山乘索橋并傳弋度石壁及至平地已長十二人餘伴相携勇進達罽賓南歷天竺後汎海東還廣州所行有傳

十一謂宋元嘉中涼州沙門道泰西

釋迦方志卷下 第三十九卷 第三
遊諸國獲大毗婆沙還於涼都沮渠
氏集衆譯出

十二謂宋元嘉中冀州沙門慧嚴遊
蜀之西界至南天竺曉方俗音義爲墨
廬山又入閩又返江南

十三謂後魏太武末年沙門道藥從
疎勒道入經懸度到僧伽施國乃返
還尋故道著傳一卷

十四謂宋世高昌沙門道普經遊大
夏四塔道樹靈迹通謂別有大傳又
高昌法盛者亦經往佛國著傳四卷

十五謂後魏神龜元年燉煌人宋雲
及沙門道生等從赤嶺山傍鐵橋至
乾陀衛國雀離浮圖而及返尋於本路

十六謂大唐京師大莊嚴寺沙門玄
奘以貞觀三年自罽賓西尋教迹
從初京邑西達沙州獨陟險塞伊吾

高昌倭經危險時高昌王麴氏爲給
貨貽傳送突厥葉護牙所又將送
雪山以北諸蕃胡國具觀佛化又東

南出大雪山達諸印度經由十年後
返從葱嶺南雪山北歷諸山國東歸
經于填婁蘭等凡一百五十國貞觀

釋迦方志卷下 第三十九卷 第三
十九年安達京師奉詔譯經乃著西
域傳一十二卷余虛尋僧傳并博聽
聞所遊佛國俗之前矣然記傳所見
時手出沒取其光顯者方爲叙之至如
法維法表之徒標名無記者其計難
緝又隋代往還唐運未往咸續履歷
具程油素諸如此例何可具焉

釋迦方志通篇第六
法王利見未隔中邊適化無方豈專
形教致使聞同解異說一悟殊登位
地而上征結封迷而下降全身碎身
之相聚塔散塔之儀神光燭而邪計

摧靈迹挺而深信結斯徒衆矣具列
前篇自法水東派道光西照聲榮之
威騰實東川育玉表塔創啓隆周釋

父景形贊興炎漢自斯歷代世積弥
繁景匪西天獨揚神化故經云正法
後被光於北方次及東南至中方滅

此之震旦南竺華胥滅度之儀迴身
北首即其事矣所以依錄編次以爲
通篇篇云

案周書異記周昭王即位二十四年甲
寅歲四月八日江河泉池忽然泛漲

釋迦方志卷下 第四十卷 第四

井水溢出山川震動有五色光入貫
太微遍於西方盡作青紅色太史籙
由曰有大聖人生於西方一千年外
聲教及此昭王即勅鐫石記之埋於
南郊天祠前此即佛生之時也

周穆王即位三十二年數見西方光
氣籙由先說聖人處世即與相國呂
侯乘驂騑八駿西行求佛因以獲之

周穆王五十五年王申歲二月十五日
平旦暴風忽起換舍折木地動天
陰西方白虹十二道太史扈多曰西

方聖人滅矣此即涅槃之相也有說
云佛生周莊曾莊之世者今取多文
爲錄

史錄曰商太宰嚭問孔子曰孰爲聖
人孔子曰西方之人有聖者焉不治而
不乱不言而自信不化而自行蕩蕩

乎民無能名焉老子西昇經云吾師
化遊天竺善入涅槃
前漢孝武帝元狩中霍去病討匈奴

至罽蘭過居延山獲貝耶休屠王等
又獲金人率長丈餘列之於甘泉宮帝
以爲大神燒香禮拜及開西域遣張

釋迦方志卷下 第四十二 教
塞馬使大夏還云有身毒國身毒國一
名天竺始聞浮圖之教此即佛之形
教相顯之漸也

哀帝元壽年使景憲往大月氏國因
誦浮圖經還漢當時稍行浮圖齋戒
成帝時都水使者光祿大夫劉向傳
云向博觀史籍往來見有佛經及著
列仙傳云吾搜檢藏書太史劍撰列
仙品黃帝以下迄至于今定檢實錄
一百四十六人其七十四人已見佛經
矣據此而明秦周已前早有佛法流
行震旦何以取知今案所引

故佛傳云佛滅度後一百一十六年
東天竺國有鐵輪王統閭浮提羽
佛靈骨倭使鬼神一億人家為起一
塔四海之內合起八万四千故此九州
之地並有遺塔云是有王所造當此
周厲王之時故塔興周世經二十餘
王至秦始皇三十四年焚燒典籍有王
諸塔由此淪亡佛經流世莫知所在又
擇道安朱士行等經錄自云始皇之
時有外國沙門釋利防等一十八賢
者實持佛經來化始皇始皇弗從

釋迦方志卷下 第四十三 教
述曰禁之夜有金剛大六人來破獄出
之始皇驚怖稽首謝焉唯此而言
則知秦漢以前已有佛法尋道安所
載十二賢者亦在七十之數今列仙
傳見有七十二人案文殊涅槃經佛
滅度後四百五十年文殊至雪山中
為五百仙人說法又案地理誌西域
傳云雪山者即葱嶺也其下三十六
國先來奉漢其葱嶺連亘東至終

南山殊耒化仙人斯地也詳而驗
之劉向所論可為證矣後漢郊祀
志曰佛者漢言覺也將以覺悟群生
也統其教以修善慈心為主不煞生
類專務清淨其精者為沙門漢言
息心剃髮毀容去家出俗絕情洗欲
而歸於無為也又以人死精神不滅
隨復受形所行善惡後生皆有報應
所貴行善修道以練其精神練而不
已以至元生而得為佛也身長丈六
尺黃金色頂中佩日月光變化元常
無所不入故能化通万物而大濟群
生也有經書數千卷以虛元為宗包
羅精義無所不統善為宏闊勝大

釋迦方志卷下 第四十三 教
之言所求在於一體之內所明在於視
聽之表歸於玄微深遠難得而測
故王公大人觀生死報應之際莫不
慨然自失也 錄如漢法本內傳

魏書云蔡愔得佛經四十二章及釋
迦立像明帝令畫工畫寫置於清涼
臺及顯節陵上經文綴於蘭臺若室
楹之還也以白馬負經而至漢因立白
馬寺於洛陽華門西其經言大極言
生生之類皆因行業而起有過去
當今未來三世也其修道階次心行
等級非一皆緣淺以至深藉微以為
著率在於積仁順蠲嗜欲習虛靜
而成通照也其始修心則依佛法僧
受三歸也三歸如君子之三畏又有
五戒斷然盜婬妄語飲酒大意與仁
義礼信智同云奉持之則生人天勝
處離鬼畜諸苦言善惡之慶凡有六
道在於防心正身口操謂十善也能
具此者近獲天報遠得菩提佛以四
月八日夜從母右脅而生起相異者
三十有二既去世後弟子等以香木焚
身靈骨分碎大小如粒其色紅白擊

之不壞焚之不焦每有光明神驗及後阿育王者以神力分佛舍利使諸鬼神造八万四千寶塔今洛陽城城狀風蜀郡姑臧臨淄等皆有塔焉並神異矣 吳書曰赤烏四年有康居國沙門康僧會者行化道也初達吳地營立茅茨設像行道吳人初見謂為妖異有司奏聞

吳主孫權問曰佛有何靈驗耶會曰佛晦靈迹出餘千載遺骨舍利應見無方權曰若得舍利當為起塔經三七日遂獲舍利五色曜天剖之逾堅燒之不然光明出火作大蓮華照曜宮殿吳主嘆異信心乃發為造建初寺度人出家權問尚書令都鄉侯闕澤曰漢明已來凡有幾年佛教入漢既久何緣始至江東澤曰從永平十年至今赤烏四年合一百七十年然以永平十四年五岳道士與摩騰捕力之時道士不如南岳褚善信費祚才等在會自感而死門徒子弟歸葬南岳不預出家無人派布後遭漢政陵遲兵戈不息經今多載始得興行

吳主曰孔丘老子得與佛比對不澤曰巨尋魯孔丘者英才誕秀聖德不羣世号素王制作經典訓獎周道教化朱葉師儒之風澤潤今古亦有逸民如許成子原陽子莊子老子等百家子書皆修身自亂放暢山谷縱大其心學歸澹泊事乖人倫長幼之節亦非安世化民之風至漢景帝以黃子老子義體允深改子為經始立道學勅令朝野悉誦誦焉若將孔老二家遠方佛法遠則遠矣所以然者孔老設教法天制用不敢違天諸佛設教天法奉行不敢違佛以此言之實非比對明矣吳主大悅以澤為太子太傅魏書明帝曾欲壞宮西浮圖外國沙門乃金盤盛水置於殿前以舍利投水仍有五色光起帝加歎異乃於道東作周閭百間以為精舍吳後主孫皓虐政廢棄淫祀佛寺相從亦同廢限諸目食曰康會感瑞太皇劍寺若遂除毀恐貽後悔後宮內掘地得金像皓乃識之陰處尤痛聲叫難忍太子曰犯大神而為於是廣祈名山大

川岡不畢至而痛苦弥甚有請祈佛者皓曰佛為大神耶試可求之一請便愈乃以馬車迎會為陳報應皓見本業百二十願皆為衆生深加敬重仍於會所從受五戒准此掘地獲像明知秦同有佛教驗矣西晉愍帝建興之年有二石像浮于吳松江渙者疑為海神延巫祝以迎之風濤更盛黃老者謂是天師復往迎接風浪如初奉佛居士朱膺者吳縣人素有誠信共東靈寺帛旦并信者數人至滄濱口延之風潮忽靜遇見二人至乃石像立高七尺波中捧上置通玄寺銘其背一名惟衛二名迦葉莫測帝代而事迹分明東晉孝武寧康三年二月八日沙門釋道安感德昭彰擅名宇內於襄陽郭西鑄丈六元量壽像明年冬嚴飾成就像乃西行上於万山于時鄉邑驚嗟迎歸本寺仍以其夕出住寺門刺史郝恢乃改名金像寺梁武帝普通三年帝於建興苑鑄大金銅花趺高六尺廣一丈許勅劉孝儀為文

釋迦方志卷下 第四十五卷 第三

立碑贊德及周武之滅法也建德三年有大原公王康為荊州刺史副將長孫招不信佛法先欲壞之遣百餘人以繩繫項挽全不動招謂不用力杖之令牽如故不動又加三百乃至五百牽之乃倒聲振地動即令毀之揚聲自快乃馳馬欲報刺史裁可百步塙然落地失音直規尋余而平道俗唱快當毀像時於腋下倒垂衣內者銘云晉太元十九年歲次甲午比丘道安於襄陽西郭造丈八金像一軀此像更三周甲午百八十年當滅計勘年月悉符同焉信知印手聖人誠不虛矣然以事推安以太元三年戊寅之歲則符堅建元十五年也與宋序習郁被俘秦土太元十年在閩便化化後十年歲方甲午一往橫壘年紀參差預觀未然三經甲午取其大運之極數又顯印手之通聖云晉太元中沙門曇翼者於荊州造長沙寺寺成而未有佛像翼曰大聖遺跡遍閭浮提豈我無感而不降耶乃潔齋祈仰以二月八日夜現于城北

釋迦方志卷下 第四十六卷 第三

形儀嚴肅高千七尺光相衝天諸魔迎接初不能起翼曰將非通感所致降我長沙子乃與二人捧之颯然輕舉迎入寺中昔經夜行人謂怪異以刀擊之鎗然作聲視乃金像刀所擊曾文見於外後劉賓僧云是育王像也光上有字時大重之梁武聞之屢迎東下雖加事力終無以致後竭丹款鄭重懇勸方乃下船去都十八里帝自出迎尋路放光相續不絕道俗稱慶後在太極殿重興供養晚出大通門入同泰寺又加供養及寺火燒堂剎並盡唯像居殿巋然獨存晚還荊州本寺夜出遶塔降靈非一及元帝崩諸有凶事輒流汗在地近太宗晏駕亦如前流汗其瑞極多晉咸和中丹陽尹高惲見張侯橋浦有異光使人尋之得一金像元有光狀載至長干巷口牛位不行乃往所之徑趣寺寺後數年臨海漁人張係世於海口見銅蓮花跌浮水上乃以哀之勅送像足宛然符合後有天竺三僧詣惲六昔於本國得阿育王像至京迎

釋迦方志卷下 第四十七卷 第三

亂歲于河岸近感夢云吾已出江南為高惲所得乃引至寺僧見流涕像為放光照于內外僧曰此像乃育王第四女所造文在花趺上因檢同焉又云本有圓光計應尋至後晉咸安元年交州合浦採珠人董宗之見海底光浮出水上尋得佛光以事奏聞簡文勅施像背孔穴懸同光色無敗四十餘年江海闊絕一朝方具人百懷曉自晉及陳五代君王莫不親詣每有危旱請像垂簾入宮祈懇元不畢雨陳氏損明中其像自然轉身面西雖正還金具以奏聞帝延慶太極設齋行道像乃脫七寶冠掛手帝燒香誓曰若國不祥願重現相仍以冠首至明還脫君目失色及隨滅陳朝佐露首面縛入京文帝知之延至宮內常侍供養後下勅曰朕老不能久立可作座育王進內其本像於興善供養寺見形小置于北面及明乃見在南相從內愧今見在殿圖焉躬矣及仁壽立像一百餘身及有見者必云像也元魏太武大延元有沙門劉薩何

者家于離石南高原今慈州也昔行至涼川西番木郡東北望御谷而遙礼曰此山當有像現靈相備者世樂時平如其有開世乱民苦後經八十七歲至魏正光元年因大風雨雷震山巖挺出像身一丈八尺形好端嚴惟无其首登即選石命工安訖遂落魏道陵遲其言驗矣至周元年始治涼州城東七里澗忽見佛首石采光明乃往安之恰然符合神儀彫缺四十餘年身首異處二百餘里一朝圓具眾咸嘆嘆時有燈光流照鍾聲飛響莫知來處建德初年像首頓落大冢宰及齊王躬往看之乃令安慶夜落如故經千數十更換餘頭終墜如故後減佛法僅得四年國喪滅嗣斯言又驗故撰其狀畢量有差今為感通寺焉何遜死于酒泉城西七里澗中骨如簍子人拾穿之如彼寺碑余以貞觀初年歷遊開表故謂何之本廟在慈州寺中形影端峙日有隆昫自石隱慈嵐延丹綏銀等州並圖形崇養号為劉師佛焉

元魏天平年中定州募士孫訪德法觀音像自加礼敬後為劫賊所引不勝持楚妄承其死將加斬决夢一沙門令誦教生觀世音經千遍得脫有司執縛向市且行且誦臨刑滿千刀斫自折以為三段皮肉不傷三換其刀終折如故現像項上有刀三迹以狀奏聞丞相高歡表請免死勅寫其經廣布於世今謂高王觀世音焉自晉宋梁陳魏燕秦趙國分十六時經四百觀音地藏弥勒弥陀稱名念誦獲其將救者不可勝紀具諸傳錄故不備載

梁高天監年於本第造光宅寺鑄金銅丈八像將就冶鑄疑銅不足始欲上請便有傳詔領銅十三車至云奉勅送寺即就融寫一鑄便成惟覺高太試量乃二丈二尺以狀奏聞勅云初不送銅斯為通感遂鑄于花趺以為靈誌于今存焉

陳武帝崩兄子蒨嗣業造輜輶車乃取梁武重雲殿中珠珩以飾送終人力既費四面齊至但見雲氣凝結

流繞佛殿自餘方左開朗日耀須臾大雨洪注雷電震吼煙張殿表火烈雲中流光布焰高下相屬並見重雲殿影金銀二像八部神王并及帳座一時騰舉煙火挾之欻然遠滅觀者傾國及晴之後覆看故所惟礎存焉至月餘日有從東州來者云於是日見殿影像乘空飛於海上有望海者有時見之魏氏洛京明帝胡后造永寧浮圖去地千尺闊浮一洲無勝斯塔後為天震緣略同前有人東海亦見其相又魏氏北臺恒安石窟三十里內連次而列高二十餘丈內受千人震旦海曲神州諸山往往聖寺感見非一旦述三兩用為寶錄昔晉太元初有檄煌沙門竺曇猷七食坐禪強志勤業遊會稽剡縣石城山羣虎采前獻為說法一虎獨瞻乃以如意打頭有十圍蛇繞之初无怖色又山神捨宅與之又往赤城山宴坐此山與天台湯布四明連屬父老云天台山有聖寺猷往尋之石橋跨谷青滑難渡橫石斷路無由得達夕宿橋首聞

釋迦方志卷下 第三十五

釋迦方志卷下 第三十五

釋迦方志卷下 第三十五

彼行道唱聲便覺齋自勵忽見橫

石洞開歇便前度具觀精舍神僧燒

香中食畢謂曰却後十年自當來此

又有齋鄴下大莊嚴寺沙門圓通者

感一神僧夏中聽講自恣說辭云在

竹林寺邀通過寺通具問道經明年

尋至在鼓山東鄴之西北神僧迎接

具見門闕房宇華敞林竹切天經宿

周流意言道合便有終焉之思神僧

為語大和上乃不許之及還返路三

里之外返望莫覩後之往者不知其

處近鄧州沙門道勤者於州北倚立

山追訪仙寺如言具見周備虛覽寶

為佳寺眾具皆備但不見人却下重

尋便失歸路乃於道次築室擬尋又

汾州東界山抱福巖者山居之僧數

見沙門垂空來往

又益州東三學山常有神燈空中照

耀齋日倍多又涼州南洪崖窟沮渠

蒙遜所造碑寺見存有素聖僧常自

行道人來便止人去尋行故其傍側

足跡納納今斯徒眾矣不可具云余

聞入大乘論尊者賓頭盧羅睺羅等

十六大阿羅漢住世通法又有九億無

學亦此洲中未入涅槃准此而詳今

諸山居多聞聲聲或尋遇寺豈非

諸聖之所處乎

今約通局諸門以分一約往世二約賢

劫三約釋迦一佛為修初約往劫用

辯通塞者如上一所列往劫行事薩埵捨

身流血尚在達摩捨子杖擄遺血布驗

掩泥之所捨身求偈之地月光斬首尸

毗飼鷹斯等遺蹤並准古劫計數災

蕩如何尚在印度名僧亦決斯致理

如所問元宜獨留而往事往生弥綸於

五印者有人云此乃如來神力菩薩

至行雖有三災不可除滅後成世界依

而集之有人言三災之化無往不除但

欲使後代可師仰故世界初成依古

遺蹤相似而現並佛之化迹神感所

為故五不思議中一為佛力也所以往

劫生事依依列之一約同劫以明且

如一鉢千佛共同故傳云釋迦受食

四王奉鉢滅後流行至毗舍離若千

百年又至軋陀衛又三月支于填龜

茲當達振且返師子國還來天上

昇兜率天弥勒見日釋迦佛鉢今未

至此七日供養還下龍宮弥勒道成

四王還獻二者龍宮佛影千佛同留

三者方石說諸千佛同坐即健陀卑

鉢樹下者四者石塔威裏千佛同候

上傳之中多明四佛行坐之迹准此未

來抑亦可見三明釋迦一代通局不

等如天道實階滅無遺緒叱王大塔七

化已三道樹滅而更生佛跡毀而還現

楊枝摧而重出舍利試而逾靈諸如此

例故應不通後佛至如難足迦葉留

化慈尊山官明辯持身待聖沮渠滅

定之侶摩支應供之徒事局未來神

遊絕域皆為明道開顯塵蒙慈導有

情澄神諸有故也

釋迦方志時住篇第七

案索訶世界一大劫中千佛出世尋

夫劫波之号不可以時數推之假以

方石芥城准為一期之候中含四大

中劫謂成住壞空也

如從十歲增至八萬復從八萬至於十

歲經二十返為一小劫二十小劫為一

成劫以年竿之則經八千萬萬億百

第五十六張

千八百萬八萬散也止為一小劫耳今
成劫已過入住劫來經九小劫釋迦
如來住劫第四尚餘九百九十六佛
次續興焉

依摩耶經如來滅後正法五百年像
法一千年又依善見毗婆沙云如來
滅後正法千年像法亦余以度女人故
正法滅五百年若諸女人能遵八敬
如法行道正法住世還得千年又云
佛法住世一萬年初五千年修得出
家得三達靈智後五千年出家修道
不得三達靈智過此已後經歸龍宮
像自頽壞諸比丘等同於俗流惟有
剃髮袈裟而已佛法之垂世且三披袈裟初結達勒特字爲夏國初政是安通僧答結二親太武用崔略言義興二寶後佛加五刑三周武帝但令還俗皆不得其死如傳所詳也
釋迦方志教相篇第八

自釋教之來振旦開濟極焉發悟
踈通廓清塵染其中瑞應具編前
聞且述數條用程無惑昔士行尋教
意在大垂將發西域乃有留難遂將
經投火經身不灰火為之滅東達此
土即放光經是也又曇無讖獲涅槃
經至於涼土盜者夜竊舉而不起稽

攝述方志卷下 第三十七限 札

首謝焉周武之凌法也像毀經焚咸
見藏經相從騰上奄入空際如斯衆
矣不可具書然弘教在人有人國為本
度人立寺圖像譯經世約相求故叙
由來昌明佛教而漢魏以往國元得
而開晉宋迄今輒略銓序

晉世祖武皇帝大和陳事廢晉惠帝下

右西晉二京合寺一百八十所
譯經一十三人七十三部

晉中宗元帝

晉肅宗明帝

晉顯宗成帝
建中興祚野二
年庚申子十也

晉太宗簡文帝

晉烈宗武帝

晉安帝 於育王增立大石寺

右東晉一百四載立寺一二七百

六十六譯經二十七人二百六十

三部 信房二萬四千

宋高祖武帝
靈想法王四寺供養十僧

宋太宗明帝

宋太祖文帝

右宗世合寺一千九百一十三

譯經二百一十部僧居三萬六千人

齊太祖高帝 手寫法花口額銀若四月
日第傳金條七月半白黃

卷之五 遊覽 二 寺三百名

齊高宗明帝高宗一以延造于金像口通經

卷之四 江花遠燭依寺古松橫

右齊世合寺二千一十五寺譯

經七十二部僧居三萬二千五

百人

高祖武帝曰孝王寺常供千僧國內禁

宋太宗簡文帝 建資劄報恩二年封

石品百不食石所撰法集記二
百餘卷法寶碑壘市二面雜卷

梁中宗元帝

右梁世合寺二千八百四十六

譯經二百四十八部僧尼八万

梁宣帝 梁明帝

右二主中興社稷於荊州造天

皇陟屺大明等諸寺治在江陵

一州佛寺一百八所僧尼三千

二百人

陳高祖武帝楊州達東安縣人 第五子 年四十一歲 遺令銅像一百萬 能度僧七千

陳世祖文帝楊州華亭人 第十子 年六十二歲 遺令銅像一百萬 能度僧七千

陳高宗宣帝楊州華亭人 第十一子 年六十二歲 遺令銅像一百萬 能度僧七千

右陳世五主三十四年寺有一千二百三十二國家新寺一十六百官造者六十八郭內大寺三百餘僧居三萬二千人譯經十一部與地圖云梁帝都下舊有七百餘寺屬侯景作亂焚燒蕩盡有陳既統國及下民僞皆修背表塔相竺星羅揭輦經像之富不可殫言

魏元太祖道武帝於廐地遼十五里 又初建寺千金像三百餘僧每月法集

魏高宗文成帝遼復佛敎更開釋門凡度僧三萬人 遺令塔寺出此權僧

魏顯祖獻文帝遼復佛敎更開釋門凡度僧三萬人 遺令塔寺出此權僧

魏高祖孝文帝遼復佛敎更開釋門凡度僧三萬人 遺令塔寺出此權僧

魏世宗宣武帝遼復佛敎更開釋門凡度僧三萬人 遺令塔寺出此權僧

魏肅宗孝明帝遼復佛敎更開釋門凡度僧三萬人 遺令塔寺出此權僧

魏節宗孝莊帝遼復佛敎更開釋門凡度僧三萬人 遺令塔寺出此權僧

西魏武帝長安人 第六子 年四十一歲 遺令銅像一百萬 能度僧七千

魏文帝長安人 第七子 年四十一歲 遺令銅像一百萬 能度僧七千

右元魏君臨一十七帝一百七十年國家大寺四十七所比臺恒安鑄石置龕連三十里王公等寺八百三十九所百姓所造寺者三萬餘所按度僧居一百餘萬譯經四十九部佛教東流此焉為盛惟太武世信用司徒崔暭倭說凌廢正教潛隱七年後知詐妄戮誅崔氏還復佛教光闡於前

齊高祖文宣皇帝遼復佛敎更開釋門凡度僧三萬人 遺令塔寺出此權僧

齊肅宗孝昭帝遼復佛敎更開釋門凡度僧三萬人 遺令塔寺出此權僧

齊世祖武成帝遼復佛敎更開釋門凡度僧三萬人 遺令塔寺出此權僧

右高齊六君二十八載皇家立寺四十三所譯經一十四部度人與魏相接

同孝明帝遼復佛敎更開釋門凡度僧三萬人 遺令塔寺出此權僧

周太祖文帝遼復佛敎更開釋門凡度僧三萬人 遺令塔寺出此權僧

周高祖武帝長安人 第六子 年四十一歲 遺令銅像一百萬 能度僧七千

周世宗宣帝長安人 第七子 年四十一歲 遺令銅像一百萬 能度僧七千

石周世字文氏五帝二十五

年合寺九百三十一所譯經一十六部

隋高祖文皇帝開皇三年同新羅寺成 遺令塔寺出此權僧

隋煬帝開皇三年同新羅寺成 遺令塔寺出此權僧

右隋代二君三十七年寺有三千九百八十五僧居二十三萬六千二百譯經八十二部

皇唐啓運弘敞釋門功業崇繁未可勝紀故難叙出

釋迦方志卷下

癸卯歲高麗國大藏都監奉

勅彫造